





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2009/A/2





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2009/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2009/A/2



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2009/A/2

THE HISTORY OF THE
LIFE OF JOHN DE Witt
BY JOHN DE Witt
IN TWO VOLUMES
THE FIRST
LONDON
Printed by J. DODD, in Pall-mall
1753

THE SECOND VOLUME
LONDON
Printed by J. DODD, in Pall-mall
1753

GE

1753

1753

61/ (3)
GEORGII

AGRICOLAE MEDICI

BERMANNVS, SIVE

DE RE METAL

LICA.

AB ACCVRATA AVTORIS
recognitione & emendatione
nunc primum editus.

CVM NOMENCLATVRA
RERV M METALLI
CARVM.

LIPSI AE
IN OFFICINA VALEN-
TINI PAPAE.
ANNO

M. D. XLVI.



DES
ROT

THE
WELLCOME
LIBRARY
INSTITUTE
100
MARK
LANE
LONDON
E.C. 1
ENGLAND

DES. ERASMVVS

ROT. ORNATISSIMIS FRA-

tribus Andreæ & Christo-

phoro a Conritz

S. D.



EVOLVI clarissimi iuuenes pro-
pmodū & πνευσι sed tamen haud
oscitanter Georgij dialogum de
metallicis. Nec satis possum dicere,
maiore ne id uoluptate fecerim an
fructu. Magnopere delectauit ar-
gumentum nouitas, exhilararunt ioci liberales obiter in-
spersi, nec iniucunda fuit dictiois simplicitas, atticum
quiddam referens, præcipuè uerò me attentum ha-
buit rerum sub oculos expositarū enargia. Visus sum
mibi ualles illas & colles, & fodinas & machinas
non legere, sed spectare. Nec multum absuit, quin ex
tot uenis argentarijs & aurarijs conceperim aliquā
eiusmodi rerum cupiditatem. Utinam animis eo stu-
dio feramur in cælum quo scrutamur terrā, non quod
improbem hanc industriam, nobis enim terra gignit
quicquid gignit, sed quod hæ uenæ quantumuis fæ-
cundæ, beatum hominem adeo facere non possunt, ut
non paucos operæ & impendij pœnituerit, sola diui-
narum litterarum uena uerè locupletet hominem. Fe-
liciter prælusit Georgius noster, nec ab illo ingenio
quicquam expectamus mediocre. Ad rem medicam re-
stituendam iuuenes aliquot accinctos uideo, in quibus
est Simon Ricuius, cui præter eruditionem haud uul-
garem adest summa morum ingenijq; dexteritas, &
Ioachimus Martianus Gandauius, cuius ingenium, ex-

A 2

actum

actum quiddam & excussum polliceri uidetur. Nec minus spei ostendunt nobis hæc Georgij $\pi\sigma\sigma\upsilon\mu\upsilon\alpha\sigma\sigma\alpha$. Quare nec me pœnitet huius operæ, nec dubito quin Hieronymus Frobenius sit in gratiam uestram, tum studiorum, libenter excusurus. Bene ualete. Friburgi, XII. cal. Martij. M. D. XXIX.

NOBILI ET CLA

RISSIMO VIRO HENRICO A

Conritz Præfecto uallis Ioachimicæ,

Petrus Plateanus S.



ON alij me hercle uir clarissimè melius de genere mortalium mihi mereri uidentur, quàm illi, qui uel arteis, uel naturæ arcana, per se aliòsq; inuenta, literis ad posteritatem transmittunt. Et si enim homines uì quadā rationis, cognitionis & scientiæ præditi sumus, quibus & mutis bestiis maximè præstamus, & uirtutum ac uariarum artium disciplinarumque non capaces modo, sed inuentores etiam esse possumus, atq; aded ad abstrusissima quæq; naturæ penetrare, angusta tamen admodum sit, necesse est, cuiuscunq; uel solertissimi hominis cognitio, si intra uitæ humanæ terminos, quæ breuissima est, arctabitur, ne quæ plura quisq; sciet, quam ipse inuenerit. Quo fit, ut iure indignemur, nonnullis superiorum seculorum hominibus

hominibus, qui tot summorum doctissimorumq; uiro-
rum maximo labore inuenta, & literis mandata, igna-
uia & socordia sua, nescio an perdiderint, certe peri-
re sunt passi. Id cum ita sit, nobis porro cauendum cen-
seo, ne in idem quod istis obijcimus crimen, apud po-
steros & nos incidamus. Non seculo nostro ingenia,
non ingeniorum uberrimi fructus, aut defuerunt, aut
desunt. Fieri uerò plerumq; solet, ut homines docti in-
genij sui monumenta non euulgent, adducti partim ue-
recundia, quæ in animis liberalibus maximè inesse so-
let, partim metu, ut qui clarè intelligant, quanto cum
periculo quis orbis terrarum in se iudicia prouocet.
Id uerò, siue pudor siue metus in causa sit, cum ab ho-
nesto proficiscatur, ut in illis quoquo modo ferendum,
ita cuiq; nostrum prouidendum puto, si quid illorum
in nos forte, quo iuuari publica studia possint, incide-
rit, ne non tam eiusmodi uirorum existimationi, quæ
apud æquos lectores satis erit tuta, consuluisse, quàm
inuidisse commodis generis humani uideamur. Cum
itaq; Georgium Agricolam medicum, uirum supra re-
liquam eruditionem, utraq; lingua doctissimum, fami-
liariter & penè quotidie adirem, ac hominis etiam se-
cretiora studia cognoscerem, uenit fortè inter cæte-
ra in manus farrago quædam librorum, quos de rebus
metallicis ille instituit, Deum immortalem, quæ ibi ho-
minis diligentia, qui labor, quàm acre extabat iudi-
cium. Quicquid omnes tum ueteres, tum recentiores
Græci Latiniq; scriptores, de metallis scriptum reli-
querunt, quod quidem ex tanta librorum clade reli-
quum factum est, hic unus accuratissimè discutit, &
cum eis quæ in Germanicæ fodinis, nominatim autem

in hac ualle uideri possunt, diligenter expendit. Non pauca præstantissimis olim medicis in maximo medendi usu habita, ex altissimis tenebris, uel ut uerius dicam, ex ipsis inferis quo demersa erant, reuocauit in lucem. Sed eorum librorum materia, quod sparsa ad huc & incompacta iaceret, nihil ex ipsis attingere ut ederetur, sum ausus, præsertim ipso pollicente Agricola, se non fraudaturum olim studiosos fructu eorundem. Interim ex meo in literas, literatosq; officio facturum me existimaui, si dialogum quem idem de eadem re conscripsit, legendum doctis hominibus edidero. Qua in re, ut confido me ab optimo quoque magnam gratiam initurum, ita ne ipsum quidem Agricolam mihi succensurum spero: qui scilicet compertum habeat & studium & uoluntatem meam in se, & ad huius libelli editionem non alio me consilio, quam publica studia iuuandi, descendisse: quem licet ipse leuiore opera, & cum animum remittere uolebat, non in hoc ut ederetur, luserit uerius quam scripserit, tamen talem eum esse, ut non parum frugis ex eo ad studiosos redire possit, omnes æqui rerum æstimatores iudicabunt. Hunc igitur qualiscunq; est, uir strenue, sub tui, & clarissimi doctissimiq; filij tui Andreae nominis titulo, emittere est uisum: tum quod huic ualli, qui locus gloria rei metallicæ nulli secundus est, tot annos multa cum laude sis præfectus: tum quod studia liberalia tanti facias, ut liberos tuos etiam in Italiã, aliãq; remota hinc terrarum loca erudiendos optimis doctissimisque præceptoribus miseris, non contentus maiorum imaginibus illos esse ornatos, nisi & doctrinæ nobilitentur. Præclare sanè ageretur cum rebus humanis,

humanis, si hæc mens uiris omnibus qui in magistratu sunt constituti, à Deo opt. Max. esset data, non ut hodie uidemus fieri, contentui & ludibrio passim haberentur optimæ disciplinæ. Non teterrimi quidam nebulones, sola audacia & temeritate præditi, præmia quæ bonis & doctis uiris decreta oportuit, præriperent. Nolo iusto licet dolori, intempestiuè nunc indulgere longius. Bene faciunt illustrissimi Comites nostri, bene facis tu & Senatus prudentissimus, quod Agricola super cuius laudibus nunc mihi silendum puto, suis hic honor habetur. Celebris est hic locus copia metallorum, sed quanto olim celebrior in omne æuum huius monumentis est futurus? Habet ut cætera taceam in manibus de re metallica libros, quorum & ante mentionem feci, habet castigationes Græcas in libros principum medicorum Hippocratis et Galeni, ex uetustissimis libris maximo labore uigilijsq; collectas, quibus argumentis, quaeso quod aliud uel utilius uel magis etiam necessarium suscipere pro sua professione potuisset? Tu interim nobilissime uir cum tuis, hunc libellum, quo ille in ea quæ aliquando seria opera est æditurus, prælusit, boni atq; æqui consulas uelim, Vale.



GEORGII

AGRICOLAE BERMAN-

nus, siue de re metallica.



Vm saepenumero mecum ipse
reputo res, quas uel natura
fabricata est, uel ars effecit:
atq; nomina, quæ quondam
ijsdem posuerunt Græci aut
Latini, animaduerto utraq;
seculis aliquot fecisse maxi-
mum damnum. Illas quod par-

tim in magno silentio iacuerint, partim non fuerint sa-
tis explicatæ: hæc quod pro Græcis aut Latinis bar-
bara, pro ueteribus noua, pro usitatis inusitata fue-
rint substituta. Quorum alterum magnam studio sa-
pientiæ & medendi scientiæ cladem attulit: alterum
crassas obduxit tenebras reliquis etiã bonis artibus.
Iamq; communis omnium interitus appropinquabat,
nisi diuina illa prouidentia earum salutem succurreret.
quæ, quoniam omnia regit & tuctur, optimi cuiusq;
hominis animum ad hoc studium excitauit, ut omnes
industriæ neruos in eo contenderet, ne ingenuæ artes
aut occiderent, aut laterent in diuturna obscuritate.
Itaq; superioribus temporibus alius aliam artem ab
immani clade uindicare cœpit: alius aliam ex tetrissi-
s tenebris in lucem uocare. quod ipsum quibusdam
bene & prospere processit. Iam enim non modo lin-
guæ Latinæ, ut de Græca taceam, puritas in Italia
maximè floret, sed exterae etiam nationes non pauca
eam amplectuntur. Breuiq; nisi quid aduersi, quod
Deus

Deus prohibeat, acciderit: eloquentia ipsa vires suas quoquo modo recuperare potest. At uero rerum cognitio, quæ latissimè patet, imò omnia, quæ sensibus & animo possunt percipi, comprehendit, ex magna parte adhuc negligitur. Nam, ut alia quamplurima omittam, permulta sanè in singulis animantium generibus, in natis è terra stirpibus, in his quæ terra ipsa intra se gignit, nobis planè abstrusa sunt & incognita. Aut si ea cognoscimus, & non raro uel manibus tractamus, quibus tamen nominibus apud ueteres appellata fuerint, omnino nescimus. Ex quo illud consequitur, ut his ipsis, ad usum nostrum procreatis, non utamur. Cum enim multa de natura & uiribus, quæ eiusmodi in rebus insunt, à ueteribus, in primis Græcis, diligentissimè scripta sint: quæ longus earum usus docuit, ratio approbavit: nōne ea omnia longè purius de ipsis, tanquam de fontibus, haurire nobis liceret? Si modo nomina uetera & incorrupta nos non laterent, aut his cognitæ res, quæ ipsis significantur, nobis ignotæ non essent? Atque ne longius ab eo, quod institui, recedam, Quis, quæso, nescit quàm utilia medicinæ præsertim eius parti, quæ manu medetur, fuerint metallica? (Sic uero appellamus ea quæ uel metal la ipsa sunt, uel iuxta metalla reperiuntur, uel dum in fornacibus illa excoquuntur fiunt, uel aliquo alio modo ex eisdem confici possunt) nemo certe, qui modo Galeni summi illius medici & Dioscoridis libros inspexerit. At quis hodie Molybdænam, Pyriten, Chalcida, Mysi, Sory, Pompholyga, Spodium, Diphryges, atque recrementa quædam metallorum, & alia multa nobis indicare potest? præter Stibi enim, Lithargy-

A 5

rum,

rum, Arsenicum, Cerussam, atq; pauca quædam alia, nihil hodie neq; officinæ, in quibus cuiusq; generis medicamenta conficiuntur, habent, neq; medici norunt, uera liceat dicere. Pudeat nos eas uoces toties legere, toties in ore habere, & res, quas significant, non noscere. Si nemo satis æquo animo ferre posset nautam, qui sæpius de securitate triremium narraret, cum uerò interrogatus quod nauigij genus esset, dicere, quia id ipsum non cognosceret, non posset, maximè si triremes in eo ipso mari, q; nauigare soleret, minimè deessent, Quo tandem animo medicus ferendus erit, qui crebrò de usu & uiribus medicinarum, quas penitus ignorat, disserit? cum ipsi liceat eas adhibita arte & diligentia, quibus hac parte opus est, interdum etiam in ea, in qua habitat regione, inuenire? Profectò nostra inscitia & negligentia fit ut multæ res lateant, multis non utamur, multæ prorsus intereant. Quid uerò mirum si ulcera quædam, quæ alioqui fortè curarentur, non sanamus, quum pauca admodum emplastra, præsertim ex metallicis composita, quibus ueteres summa cum hominum utilitate, et maxima sua laude usi sunt, integra cōficere possumus. Quæ sanè præcipua fuit caussa, quam ob rem me ad loca, quæ metallicis abundarent, contulerim. Quantum uerò ibi consequutus sim, alijs iudicandum relinquo, studium certe mihi non defuisse complures testes esse possunt, in primis Bartholomeus Bacchus, & Laurentius Bermanus uiri non minus literarum, quàm rei metallicæ periti. Quos etiam præter alios sæpius interrogando, antequam metalla cognoscerem, defatigauit. Cum autem mihi tum à medendi officio, tum à grauioribus studijs in-

dijs interdum uacare liceat, ob multas causas uisum est sermonem, quem accepi doctissimos uiros de metallis nuper habuisse, exponere. Primum ut futuri operis, quod de ijsdem, literis consignauimus, gustum quandam studiosis darem. Deinde ut nostræ ætatis homines, ut ipse nihil egregij fecisse uidear, ad res diligentius inquirendas instigarem. Quæ nisi ipsæ, utpote quibus uires insunt, nobis notæ fuerint, absq; ullo fructu uerba sermone terimus. Postremò ut quæ in Germania nostra, ueteribus, quod sciam, incognita, in metallis reperiuntur, ea pro uiribus in lucem proferre. Si enim Græci, gens doctissima omnium, non sua solum, sed etiam externa, memoriæ tradiderunt, turpe nobis sit res nostras per socordiam & ignauiam nostram etiam nunc tenebris obrutas esse & luce sua carente. Tribuimus uerò Bermanno metallici personam. Nam huius artis peritissimus est, quippe qui miles olim multas regiones peragrauit, in quibus res metallicas, non secus ac Dioscorides herbas, dum sub signis Romanis militaret, obseruauit. Cum quo disputant duo doctissimi & clarissimi medici, Nicolaus Ancon, & Ioannes Næuius. Quorum alter in medicina, quam nos docent Arabas secuti, non indiligenter uersatus est, & doctus præterea ex disciplina peripateticorum. Næuius autem, tum literis Latinis & Græcis, tum maximè ueteri illa medicina eruditus. Cuius uiri nobile ingenium & studium singulare cum in Italia unà operam daremus medicis mihi planè sunt perspecta. Itaque hi cum in foro uallis nostræ starent, & Ancon Bermannum accedere uideret, ita exorsus est. AN. Bermannum, ni fallor, uideo hominem doctum & uer-

Et ueterem amicum. NAE. Quibus studijs deditus
 est? AN. In primis disciplinis: numerat, metitur, ca-
 rit, cursus astrorum tenet. NAE. Quid audio? AN.
 Rei etiam metallicæ intelligentia præstat, NAE. Sed
 ingreditur ueluti miles. AN. Recte, diu enim, ut ple-
 riq; nostri solent, meruit stipendia in bello. Tace, sa-
 lutabo ipsum. Salue Bermanne. BER. Salui sitis, quid
 est cur tot medicos conspicio? estne aliquis ægrotus?
 AN. Fuit. BER. Infelix uerbum apud poëtam, Fui-
 mus Troës, fuit Ilium. Sed quis, obsecro, fuit tandem?
 AN. Dicam non sine magno dolore. Henricus Slico,
 qui secundum Stephanum fratrem, quem fortiter pu-
 gnando contra Turcas, unâ cum Ludouico Panno-
 niæ rege ab hinc ferè biennio perijsse nosti, Et Chri-
 stophorum qui Romæ inter imperatoris milites peste
 decessit, decus fuit totius familiæ. BER. Misera pror-
 sus mortalium conditio, qui nuper apud Pannonas
 forti Et inuicto animo cum hoste cominus in acie pu-
 gnauit, iam domi inter suos à morbo deuictus cadit.
 Virum certe tibi amicissimum amisisti. AN. Vera di-
 cis, Et quoties in eius memoriam incurro, toties uim
 lacrymarum profundo, non tam quòd bene uoluerit
 mihi Et tali amico orbatus sim, quamuis Et hoc me
 non parum moueat, quàm quòd à suis omnibus repen-
 tino abreptus sit. NAE. Pius quidem dolor iste quo
 afficite uideo, Et iustæ lacrymæ, quas ob clarissimi
 uiri mortem effundis. Sed quia ea ratione natura nos
 omnes coagmentauit, ut rursus possit dissoluere, eo
 æquiore animo mors toleranda erit, quocumque tan-
 dem cursu ætatis homini acciderit, quòd eam aliquan-
 do accidere omnino necesse fuit. BER. Recte Næ-
 uius di-

uius dicit: tu uerò tene lacrymas, quibus nihil profici potest, & quæ philosophum satis non decent: ut uerò id facilius fiat de alijs colloquemur. Sed quorsum it Colomannus? AN. Ad metallicos qui eum apud amicum quendam expectant, forte symbola daturus, uel partes fodinarum emturus. BER. Amare ne & ipse fodinas cæpit? AN. Maximè, multis enim iam annis in eorum numero est, de quibus Demetrius Phalereus uerissimè mihi uidetur scripsisse. Quæ receperunt, non ceperunt: quæ uerò habuerunt, abiecerunt.

*Demetrius:
Phalereus*

BER. Non intelligo ænigma. AN. Non? metallici quos eruunt lapides, eos, quia nullum utilitatis fructum præbent, non accipiunt, sed proijciunt. quas uerò habent pecunias, eas, quia impendunt in fossiores & structuras subterraneas, quodammodo abijciunt. BER. Ne dicas uerissimè hæc de metallicis scripta. nam etsi de nonnullis dici possint, qui sua in fodinas nihil unquam recepturi conferunt: non pauci tamen contrà reperiuntur qui minimis impensis ad maximas pecunias ueniunt. Nōne hominum memoria Moncero ad ducenta milia aureorum fodinæ dederunt? nōne totidem ferè Romano? Atque, ut omittam Polucros, Federanglios, Ippouios, Tomefernos, Phloccios & alios complures, quos omnes cum nihil, aut parum ad modum haberent, fodinæ beatos fecerunt, Georgiū Storcium nosti? AN. Noui medicum egregie doctum, nec non metallicæ artis gnarum. BER. Is est quem dicere uolebam: pater ipsius multa milia nummum fodinis argentarijs consequutus est. AN. Audiui. BER. Atque huius filiam, illius sororem Colomanus uxorem habuit: qua ex re splendidæ illius fortunæ particeps

particeps factus est. AN. Non mirum ergo si ipse fodinas amat: ego adamarem si tantas mihi diuitias largirentur, quantas uel ipsi Storcio olim Annebergum, uel nuper hic Suicero, homini Rhenano, uena cui Stella nomen est. NAE. Cedo quot milia argenteorum nummum, qui hic cuduntur, quorumque singuli aureum Rhenanum ualent, accepit? AN. Certius Bermannus dicet. BER. Plus quadraginta. NAE. Quid autem uena, argenti feraxne adhuc est? BER. Maximè. NAE. Vbi nam ea est? BER. Non longe hinc in superiori montis huius planicie. NAE. Rogo te quàm maximè Ancon hunc ores ut nobiscum ascendat, & uenam, quæ tantam uim diuitiarum effundit, nobis monstret. AN. Bermanne, si tibi per negocia licet, per amicitiam nostram te etiam atque etiam oro, ut cum mei, qui & ipse uidere percupio, tum præsertim Næuij gratia id facias: hac enim ratione nouam illius amicitiam conciliare tibi licebit, & ueterem nostram confirmare. BER. Quamuis negocia multa et magna mihi sint, his tamen omnibus prætermiſſis uestræ moræ geram uoluntati. AN. Quia id ipsum quod uolumus à te impetramus, nullam moram interponendam puto, quin statim ad uenæ istius fodinas ascendamus. BER. Ascendamus: ab omni enim mora temporis breuitate excludimur, inclinato iam in postmeridianum tempus die: certe nisi dies hoc anni tempore esset apud nos longior, nihil efficere nos credere posſe. NAE. Festinandum igitur nobis puto. BER. Hos montes qui cingunt Boëmiam, nisi memoria me fallit, Sudetas appellat Ptolemæus. NAE. Haud te fallit, opinor. Boëmia enim ipsa undique montibus syluestribus se-

bus septa & uallata est: quorum altiores qui partim eam circundant, partim longe in eius interiora pertinent, ac regionem ipsam ferè intersecant: partim extra eam etiam meridiem uersus sed longius & occidentem excurrunt, Sudetas appellari tecum sentio. BER. Itaq; hi cum reliquorum metallorum omnium, tum maxime argenti feraces sunt. Fodinas enim eius generis metalli celeberrimas quasque in ipsis esse constat. Atq; adeo Fribergum in pede penè istorum montium, qua parte ad Misenam spectant, situm est. Annebergum item & Gairum, quæ inter Fribergum & uallem sunt interiecta. Snerbergum uerò ad Muldam flumen, ubi iidem in occidentem uergunt. Atq; in metallicos omnes, qui ea loca incolunt, antiqua & nobilis ducum Saxonie familia dominatur. Vallis autem hæc intra ipsos montes est, & in eisdem uersus Morauiam, Igla & Cottenbergum: uersus Silesiam Reichensteinum, Aldebergum, Cuperbergum, Goldebergum. Hactenus loca quæ argenti metallis abundant, uno atq; altero excepto, recensui. Iam in iisdem montibus sunt non paucæ plumbi candidi fodinæ, è quibus olim multum floruerunt Aldebergum, Irberesdorfum & Graupum: nunc floret Sclacchebaldum, quod à nostra ualle non amplius duodecim milia passuum abest. Totidem ferè Pleistadium, in quo loco plumbum nigrum effoditur, unde & nomen reperit. Fodinæ autem ferrariæ innumeræ, quas præterire mihi uisum est. At æris metallis & plumbi nigri Melibocus mons magis abundat, in quo sunt Eislebe, Mansnifeldum, Hostede, in quibus multum æris conficitur. Est in eodem Gosclaria, ubi tantum Galenæ & Pyritarum

cor: Tacit

ritarum ex quibus plumbum nigrum excoquitur, in-
uenitur, ut mons quidam ferè nihil nisi Galena & py-
ritæ esse uideatur. Argenti uerò uiui magna admodū
copia reperitur Schonbachij, quod ipsum quoque in
Boëmicis montibus situm est. NAE. Cornelius Tacitus
qui de Germania quā potuit homo Latinus id
temporis diligentissimè scripsit, ita ait: Argentum et
aurum propitij an irati dii negauerint dubito. Ex qui-
bus uerbis perspicue intelligi potest, nullas eorundem
metallorum fodinas olim in Germania extitisse. Adie-
cit tamen id quod uirum prudentem de re incerta &
dubia dicere decuit. Nec tamen affirmauerim nullam
Germaniæ uenam argentum aurūque gignere, quis
enim scrutatus est? BER. At hodie plurimi scrutan-
tur & reuera inueniunt Germaniam præ cæteris re-
gionibus metallis abundare. AN. Nota res est. Sed
potène dicere quando primum fodinæ apud nostros
cæperint? BER. Dicam ea quæ scio. Ferrariæ fo-
dinæ omnium primæ fuerunt, quas coluere Gothini,
qui Gallica lingua usi sunt, ut idem Tacitus scribit.
NAE. Recte dicis, nam de uetustioribus nihil scri-
ptum est: nisi fortè uerum fuit quod Plinij tempore,
ferebatur æris fodinas in Germania repertas. BER.
Post Ferrarias Goselariæ fuerūt plumbi nigri, quæ,
etsi nobis incertum est, quo anno cæperint, tamen sub
Othone magno imperatore, ut annales loquuntur,
primum fodiebantur, id est, annos circiter ducentos
& uiginti ante Fribergum, quod est in Misena, cuius
fodinæ celeberrimæ anno ab hinc tricentesimo se-
ptuagesimo tertio casu quodam coli cæperunt. Cum
autem argento maxime abundarent, & ob eam i-
psam

psam caussam plures undiq; qui rei metallicæ operam darent, congregarentur, quasi colonicæ quædam ad loca uicina, licet non iisdem temporibus, deductæ sunt, è quibus nobiliores & quæ hodie etiam florent Irberesdorfum, Gairum, Aldebergum. Trapenaurū uerò & Mocchenbergum uetustas obliuione fermè obruit. Sed & Igla ipsa Fribergum subsecuta est, quantum ex legibus potest colligi, quas ab illis se sumsisse apertè fatentur. Post Iglam Cottenbergum fodi cæpit. Snebergum autem abhinc annos duo de sexaginta. Annebergum septem & triginta. Nuper uerò hæc uallis nostra non minus reliquis argento abundans, & uiris metallicis referta, à quibus profeminati quasi sunt hi qui fodiunt Pleistadium, Cinstadium, Bisetalum. AN. Pergrata hæc temporum notatio fuit: uerum nimium festinamus, subsistamus parum atq; despiciamus ipsam uallem. NAE. Deum immortalem quot & quanta ædificia, quæ tum uallem tegunt, tū ita montibus ex utraque ipsius parte hærent, ut alterum alteri incumbere uideatur: aliquam ex magnis urbibus nostris Erphurdium puto uel Pragam pene uidere mihi uideor, aut quantas Italia habet Bononiam & Patauium: & audio, quod magis mirum, per paucos esse annos ex quo fodinæ hîc cultæ sunt. BER. Annus est duodecimus cum una modo casa esset iuxta ueterem puteum frè collapsum: per id temporis in Thermis Caroli quarti imperatoris erant Alexander comes Leisnicius uir strenuus & qui persæpe Turcis terrori fuit, Wolfgangus Schonbergius Baro non minus prudentia quàm genere & diuicijs clarus, Stephanus Slico qui in bello contra Turcas infè-

B

liciter

liciter gesto, ut scitis, fortiter occumbere potiusquā
 turpiter fugere maluit, & præter hos è Tomisernis
 quidam, qui satis ita uolentibus consilium de ueteri
 puteo instaurando ineunt, quod ipsum cum collatis
 pecunijs, agere cœpissent, non longo tempore post
 fossores uenam argenti diuitem inueniunt: ca res ui-
 cinos commouet, maxima undiq; confluit turba metal-
 licorum, quorum pars uirgula diuina uenas quærit,
 pars coniectura quadam artificiosa, atq; fossas agūt:
 uix puteus quibusdam in locis fodi cœptus est, cum
 sub summo quasi cespite argentum inueniunt: ut in
 Turcarum monte, quem è regione conspicitis, euenit:
 & in altera parte huius montis, quem à Scotis nostri
 appellarunt: quod sanè multò etiam plures huc tra-
 xit, ut sumus omnes ferè homines pecuniarum auidi,
 & paruis sumtibus ac labore quàm minimo diuites fie-
 ri cupimus: qua de re tot domus extructæ, tot putei
 effossi, tot cuniculi in montes sunt acti. NAE. Mira
 narras. BER. Quos nunc montes arboribus spolia-
 tos cernitis, in his densissima silua erat: & ualles quas
 iam tot milia hominum habitant, latibula erant fera-
 rum. AN. Vt modo unum è montibus Turcicum, al-
 terum Scoticum nominabas, ita ne & reliquis sua sunt
 nomina? BER. Maximè qui est è regione huius, qui-
 que in longum sine interiecta ualle in meridiem pro-
 tenditur, cum à Turcis, ut dixi, appellant: qui uerò
 præ cæteris omnibus in altum erigitur, ob id Turri-
 ferum nominant. Huic qui subest medius, ut est, uoca-
 tur: quem autem ultimum ex eodem latere uidetis So-
 laris, quod ad solem orientem spectat, dicitur: atq; hi
 omnes unius lateris montes respectu uallis orientem
 uersus

Inland ge.
 summa
 Huius ge.
 huius

uersus siti sunt. Alterius uerò, is quem primum cernis
tis ex Nicolao quodam, proximus ex cuneo nomen duxit.
Tertius ordine est Carbonarius. Quartus, in quo
nunc stamus, à Scotis nomen accepit: eum sequitur
qui à sacerdotibus dictus in superiorem & inferiore
rem diuiditur. AN. Vnde hæc nomina montibus? Fuc
runtne hic Turcæ? BER. Diuinum numen prohibe
at, ut Turca in mediam magnæ Germaniæ regio
nem penetret, quo Romanus qui toti ferè orienti &
occidenti imperabat, tot cruentis bellis non potuit
peruenire. Sed sic uulgus metallicorum nominat mon
tes ut unum ab altero possit distinguere. Pergamus
nunc uix enim medium montis superauimus. NAE.
Præcedas. Sequimur. AN. Nimiū festinamus. BER.
Credo te diuitem factum quod progrediaris tam tar
de. AN. Quid ita uerò? BER. Quia nuper quidā,
cuius nomen, ne quempiam lædere uelle uidear, ta
ceo, antequam diues fieret, & in summa adhuc ege
state esset, quotidie bis aut ter nihil questus hunc mon
tem ascendere solebat, ut uerò melior fortuna aspira
re cœpit, mox de difficultate anhelitus conqueritur,
& auram ait esse grauem, se ultra in ualle commorari
non posse. AN. Quid narras? itane diuitiæ mu
tant mores? BER. Quid alijs contingat nescio, sic
certe istum uidimus mutatum. NAE. Vulgi quidem
mores hoc modo mutari solent, optimorum autem ui
rorum minimè: quorum animus rebus secundis non ef
fertur: aduersis non deijcitur, sed semper idem est ma
nētq; constanter. AN. Aër satis serenus & gratus
est in ualle hoc anni tempore, qualis uerò in autumno
& hyeme sit ignoro. BER. Solebant quidem his po

B 2

tissimum

tiſſimum temporibus, quæ modo dixiſti, eſſe nebulæ tantæ & tam cræſſæ ut uallẽ totam obtegerent, et aſpectum etiam ſolis interdum nobis adimerent, & iure quiſpiam tum dicere potuiſſet nos nõ aliter ac Cimmerios in tenebris uerſari: nunc uerò tum ſiluis præciſis, tum multis cuniculis, per quos riuuli aquarum efluunt, in montes actis, ceſſant nebulæ, utpote montibus aridioribus factis & aura liberiori reddita: atque ita etiam uallis noſtra caligine ultra nec circumfunditur nec occultatur. Sed de his ſatis, iam enim prope uenam, quam uidere uultis, ſumus. Vena etiam, quæ nunc gradimur, ſubeſt, quæ tranſuerſa Stellæ incurrit. NAE. Eſt ne ipſi nomen? BER. Eſt. Heterceſpergiam nominant. NAE. Vnde id reperit? BER. Ex inuentore. NAE. Quid audio? Venæ & Putei ut olim apud Hiſpanos ex inuentoribus nomina duxerunt? Si enim rectè memini Plinius ſcriptum reliquit. Mirum adhuc per Hiſpanias ab Hannibale olim inchoatos puteos durare ſua ab inuentoribus nomina habentes, ex quibus Bebelo appellatur. BER. Nonnulli ex alijs rebus nomina inuenerunt, prout inuentori placuit. proxime enim fodinæ ſunt, quarum alia Cæſar Germanicus nominatur, alia aſinus aureus, alia uſus. Vides terminum hunc? NAE. Lapidem uideo terræ infixum. BER. Rectè. Bacchus uocatur hæc fodina. NAE. Quid Bacchus agit in his montibus ubi uix creſcunt pruna ſilueſtria? BER. Eſt, ut dicis, ſed hîc inueniuntur tot & tantæ mæſſæ argenteæ, ut ſi cui fortuna bene uelit, ipſi uina, uel è Creta uſq; allata, de futura non ſint. Suum autem nomen fodinæ dedit Bartholomæus Bacchus, uir omnis antiquio

antiquitatis & eruditionis amantiſſimus, noſti hominem? NAE. Noui. Abſtemium non Bacchum dici oportebat: nam paulum uini bibit. BER. At partes in hac ipſa fodina nonnullis donauit qui hilares eſſe ſolent, è quibus unum tibi nominabo Eobanum Heſum poëtarum omnium, quos hætenus Germania habuit, in elegia, mea ſententia, facile principem. NAE. In eodem genere carminis ipſum non longè ſequitur Iacobus Mycillus iuuenis optimo ingenio & flagranti ſtudio. Sed Eobanus dignus proſectò eſſet fortuna Suiceri, quàm uellem Heteroſpergiam uenam argenti tam ſeracem eſſe quàm Stella eſt. BER. Eſt ſanè, nam & ipſa in monte Turcico, ubi aliud nomen habet, ingentes theſauros effudit, neq; exiguos in pede huius montis: ſed hoc in loco nec profundi ſatis ſunt putei, nec cuniculi huc acti, quam ob rem hæc etiam aliquid argenti nos effodere poſſe ſperamus. NAE. Si ſpe quicquam efficeretur, equidem unà cum Eobano ſperarem, tam amo uirū, cum quo mihi olim Erphuræ di magna familiaritas interceſſit. BER. Sperandum omnino eſt, ſiquidem præter ſpem noſtris interdum nihil eſt, puteis ad centum uſque orgyas effoſis, & quemadmodum rectè dictum eſt, Spes alit agricolas, ita eadem ſola perſæpe metallicos in intima terræ uiſcera & Plutonis regna ducit. AN. Ego ſpem precio non emo. BER. Quid ita? AN. Quia multum in fodinas ſumtum facere oportet, quod ſi iam ſpes feſclerit, meritò me deridendum putarem, qui ad incertū caſum certas pecunias impenderim, & temere me fortunæ commiſcrim. BER. Nimia iſta tua prouidentia obſtabit, quo minus unquam uel bonus metallicus uel

diues, quò peripatetico aspirare liceret, fias. Atque hac certe ratione neq; agricola sereret, quia timenda sit calamitas, neq; mercator nauigaret, quia naufragium pertinescendum, neque quisquam in militiam iret, quia incertus sit belli exitus, sed bene sperant omnes & prospere eis res sæpius procedit, nemo uerò animo qui abiectio & timido fuit unquam rem fecit, aut etiam faciet. Sed despectamus ad sinistram & ad puteum, cui Constantinus nomen est, accedamus.

NAE. Quod tu modo puteum, Vitruuius specum appellat. BER. Ita est, atq; cum eo Germanicum nostrum uidetur conuenire, uoce deducta à uerbo, quod licet utriq; nationi diuersum sit, idem tamen significat. Est autem Constantinus demensum quintum uenæ Stellæ. NAE. Auspicatum sanè & imperatorium nomen puteus hic habet: largietur, ut decet imperatorem, regia prorsus munera. BER. Speramus, & nuper cœperat, atq; uno & altero die quinquaginta pondo argenti effodiebantur, interea nihil uidimus, desideramus in eo constantiam. AN. Quasi uerò non sperandum uobis esset. Sperate cum iterum argentum eruetur, tum fortè constantior erit. BER. Tunc etiam ubi res cum nomine congruet, uerè Constantinus appellabitur, atq; adeo si abundè argentum largietur, magnus. NAE. Quid hîc uideo? BER. Machinam uides tractoriam, quam duo iuuenes robusti in orbem torquent, & modulis, quicquid è uena excisum est extrahunt. NAE. Labor non exiguus uidetur esse. BER. Omnium maximus: à summo mane usq; ad uesperam carris, id quod extraxerunt, euehentes, ad eundem laborem, tanquam Sisyphus ad saxum,

Gaspar.

xum, redeunt. NAE. Ancon noster si duos menses
machinam uolueret, non in Crassorum familia, ut
nunc, censeretur, sed Macer futurus esset. AN. Inia-
micis ista precanda, siue malis Stoicis, qui suam tole-
rantiam prædicant, haudquaquam Peripateticis aut
Epicureis quibus ornatior & delicatior uita placet.
BER. Hoc loci nihil iam egregij uidebitis, eamus ad
eiusdem uenæ puteos argenti feraces. NAE. Quā
picturam occidentem uersus in tabula, foribus casæ
cuiusdam affixa, conspicio? hominis bifrontis imago
ne est? BER. Ianus est. NAE. Ianus? BER. Ille ipse,
quem antiquitas iccirco, ut scitis, bifrontem fin-
xit quod & præterita sciuerit & futura præuide-
rit. NAE. Quid puteus eone nomine appellatur?
BER. Sic nomen ipsi posuit Bacchus noster. NAE.
Illène deos eligit quorum in tutela fodinas suas esse
uult? BER. Quin potius altero uocabulo, nempe
Bacchi, ad nomen suum, ut ante quoque dixi, alludit.
Hoc metallicos quosdam monet, ut quemadmodum Ia-
nus olim erat, ita & ipsi sint prouidi, ne omnibus pe-
cunijs exhaustis, in extrema tandem egestate uiuant.
NAE. Ianus qui bifrons est minimè fallit, ut nec ipse
falli potest. BER. Quid futurum sit fortè Ianus pro-
uidere, aut Lynceus qui omnium acutissimè uidisse
traditur, cernere potuisset. Nos, quibus tanta prouia-
dentia & acies oculorum negata sunt, nescimus. Spe-
ramus tamen indicijs quibusdam adducti. AN. Quid
ais? sintne uobis indicia? BER. Maximè. AN. Sint
sane, ut dicis, at incerta prorsus & dubia sint necesse
est. Qui enim scire potestis quamdiu ea ipsa firma e-
runt? aut si diu etiam erunt firma, argentum certe

subesse? mihi quidem nullo modo uidetur id fieri posse: quæ enim acies humani ingenij aut tanta est? aut esse possit? ut in intima terræ penetret, atque quid ibi reconditum sit inspiciat? Certe si quid fodiendo efficitis, illud ipsum uos assiduitate, aut beneficio fortunæ potiusquam arte aliqua consequi credo. BER. Siue arte, quæ, ut quidem ego sentio, hic non omnino nulla est: siue fortuna, ut tu uis, quippiam assequimur, non referre puto: id modo assequamur, quod tam uehementer optamus, ob quod tot molestias et erumnas solemus perferre, cuius denique gratia et dies et noctes tantopere laboramus. NAE. Ne nunc in hunc latum disputationis campum ingredimini, cum plus uacui temporis habebimus, de his nobis differendum erit, et quidem accuratius. Certe et hæc uena per transversum Stellam secat. BER. Ita est. NAE. Quo nomine appellatur? BER. Triadis. AN. Auspicato sane, ternarius enim numerus continet initium, medium, et finem, quibus omnia transiguntur. NAE. Quia hic omnium perfectissimus est, non erit uena sine argento. BER. Satis uberes fructus in monte tulit, qui à Turcis nomen inuenit, nec multò minores in radice huius montis: quid uerò in hac ueluti planicie datura sit, tempus, quod omnia aperit, ostendet. NAE. Nouam figuram domus conspicio. Pyramis aliqua mihi uidetur esse. AN. Mihi uerò ad exemplum etiam Panthei Romani facta. BER. Perbelle, si quidem in ea Plutus habitat omnium deorum potentissimus. AEdificium enim hoc super puteum, qui tantas diuitias cum multis qui uitam in egestate degerebant, tum Suicero largitur, extructum est. NAE.

Quid?

Quid? Plutus tandem respexit indigentes? Chremylus ne aliquis illum ad Aesculapium duxit, ut ipsi sensus oculorum restitueretur? BER. Minimè. Sed metallici, qui multum & diu intra terram, quò se abdere solet, cum quæerunt, cum uerò inuentus fuerit, subdium protrahunt: quod ubi fit maxima undiq; hominum multitudo eius uisendi gratia accurrit, atque ipsum magna cum lætitia & ingenti plausu excipiunt. NAE. Non minori credo quàm Veneti suas naues, mercibus oneratas, cum eas uel ex Beryto, uel ex Alexandria redire ex altissima turri prospiciunt. BER. Ducunt uerò ipsum non ad Aesculapij, sed ad officinas metallicas ut suam lucem & nitorem recipiat: quam ob rem eos beatos facere solet. NAE. Læta hæc sunt, his potissimum quibus ea felicitas contingit. Sed cur ab alijs fodinarum casis hæc differt? BER. Intelliges, ingrediamur. NAE. Deum immortalem quantam machinam uideo, estne pro expugnâ dis urbibus, ut olim aries & testudo, facta? BER. Pro expugnanda uena hac, quæ suppeditat nobis copiam argenti, fabricatam uides, est autem etiam ipsa tractoria. NAE. Quid agunt hîc equi? BER. In orbem ducunt eam. NAE. Magna facilitate. quàm uellem nunc Stratonis Lampfaceni librum, quem de machinis metallicis scripsit, extare. BER. Vellem & ego plurimum, de machinis enim, quibus pondera leuantur, præter Vitruuij quædam, ferè nihil superesse scio. NAE. In Stratone crederem huius & simulum descriptionem artificiosam inueniri posse. BER. Fortè inueniretur. multæ tamen machinæ, si quid ego sentio, à nostris hominibus inuētæ sunt, quæ

ueteres illas non parū artificio uincunt, aut multum ab eis differunt. NAE. De re quam ignoro non contenderim tecum. BER. Equidem quod de machinis apud Græcos autores fuit, à Vitruuio transcriptum puto: quod si iam nostra cum illis conferes, tum quid intersit iudicare poteris. Puteorum certe altitudo ne celsitate quadam nostros adegit ut tot & tanta instrumenta tractoria excogitarent. Sunt autem longè maiora & artificiosiora profunde admodum in ipsis puteis cum Gairi, quæ patria mea est, tum præsertim Snebergi, ubi puteus fodinæ, ex quo tanti thesauri, nostra frè memoria, effossi sunt, ducentarum fèrmè orgyiarum altitudine est: quare eiusmodi machinis opus fuit. NAE. Quam puteorum altitudinem narras, atq; etiam restant adhuc inferi? BER. Imò Cottenbergi putei sunt plusquam quingentas orgyas alti. NAE. Et nondum aulam Plutonis metallici expugnarunt? AN. Profectò si uera esset opinio Pythagoreorum, qui terram non in medio ut centrum statuunt, sed circulum, qui circa medium uoluitur, iam dudum ille ipse in tanta puteorum altitudine perforatus, iter metallicis ad eos qui aduersi nobis stare dicuntur, aperuisset. NAE. Xenophanes Colophonius & Empedocles qui immensam & infinitam terræ altitudinem decreuerunt, hoc argumento, tanquā sensuum iudicio, nixi aduersarios suos fortiter oppugnassent. Sed multum fortè aquæ habent tam alti putei. BER. Quidam planè sunt aridi: quidam adeo multum aquæ continent, ut Thales Milesius hinc terram aquæ, ut ligna solent, innatare probare posset. NAE. Fortassis in his uel ad Styga, uel ad Cocytum,

uel.

Largi

uel ad aliquem alium inferorum fluuium à uestris
peruentum est. BER. Vtut iocamur genus certè dæ
monum in fodinis nonnullis uersari compertum est:
quorum quidam nihil damni metallicis inferunt, sed in
puteis uagantur, ac laboribus cum nihil agant uiden-
tur se exercere: nunc cauando uenam, nunc ingeren-
do in modulos id quod effossum est, nunc machinam
uersando tractoriam, nunc irritando operarios, idq;
potissimum faciunt in his specubus è quibus multum
argenti effoditur, uel magna eius inueniendi spes est.
Alij uerò noxij admodum sunt, ut ille qui ante aliquot
annos Annebergi fodinam infestam habebat, ut cui
nomen Corona Rosacea, metallicos duodecim, quæ
res multis nota est, necarit, ac ea de re fodina, quan-
tumuis argento diues esset, relicta fuit. AN. Eius ge-
neris dæmonum, quod in metallis esse solet, inter reli-
qua, sex enim numerat, Psellus mentionem fecit, atque
id ipsum, ni fallor, cæteris peius, ut quod crassiori ma-
teria amictum sit, esse dicit. BER. Sunt inter eos
nonnulli, ut dixi, ita prauī, ut metallici eos non secus
ac pestem quandam præsentissimam auersentur &
fugiant: alij contrā mitiores, quos frequentes adesse
& laborem eorum sæpius audiri non modo non ægre
ferunt & dolent, sed etiam exoptant & pro omine
bono ducunt. Sed mittamus dæmones, tot & tantis
machinis opus fuit ut extraheretur aqua & id quod
effoderent. NAB. Digna profectò essent hæc &
eiusmodi alia instrumenta ut posteritati traderentur.
BER. Digna planè, & arbitror breui futurū. NAB.
Magnus modulus hīc est. BER. Eum minores octo
uix explere queunt: itaq; hac machina die uno tantū
uel

uel terræ uel lapidis è uena excisi extrahitur, quan-
 tum altera octo integris diebus. AN. Funis quoque
 ductarius cuius rudenti æquandus est. NAE. Videamus
 ea quæ extracta sunt. BER. Melius extra ca-
 sam in tumulo è fodina egesto à uobis uideri poterūt.
 Primo nanq; argenti materiam conspiciemus: narra-
 uit enim mihi *præses* fodinæ in altero modulo, qui
 mox extrahetur quædam inesse quæ multum argen-
 ti in se contineant. NAE. Non mihi displicet. AN.
 Nec mihi. BER. Statim fiet: siquidem puteus non
 multum profundus est, non enim ultra sexaginta or-
 gyas, quod si ad centum co modo quo cæpit argen-
 tum fuderit, regis diuitias largietur. NAE. Dies po-
 steri quid fiet indicabunt. BER. Venæ certe exten-
 sio, caput, *fibræ* magnum quiddam pollicentur, sed
 modulus iam extractus est, & alui quidam in eum
 impositi quos præses fodinæ & alij accipiunt, ut eos
 in domicilium, quod hîc proximum est, ferant, quam
 ob rem sequamur. NAE. Probe dicis, eiusmodi enim
 matericæ uidendæ gratia tecum ascendimus. BER.
 Ingrederimini. NAE. Quot modulos & alucos uideo.
 BER. In his omnibus argenti materia est, atque hîc
 primum uides Galenam siue plumbaginem. NAE.
 Estne hæc plumbago, quam Plinius *μολύβδαινα*
 etiam uocat? BER. Ita sentio. sed sic defendo hanc
 sententiam, ut si quis clavis & euidentibus argumen-
 tis aliter se rem habere probauerit, non inuitus de ea
 discedam. NAE. Probe dicis, & eo animo maximè
 quenq; esse oportet, qui uerum inuenire sine pertina-
 cia & contentione uelit. Sed, obsecro, dic nobis qui-
 bus indicijs persuasus Galenam id esse putas? BER.

Quæ

Quæ nunc mihi homini metallico succurrunt, ea discam, neq; dubito quin à philosophis & medicis longe & plura & accurata magis dici possint, modo tantum otij sibi sumant, ut in hanc rem animos parum intendant: nam multa consideratione opus ipsis non est. ita quæ Galena uena tum solius plumbi, tum communis argenti & plumbi uocatur: id quod ex uerbis Plinij, quæ ita habent, intelligitur. Loquitur autem de terra in qua inest argentum. Excoqui non potest nisi cum plumbo nigro aut cum uena plumbi. Galenam uocant, quæ iuxta argenti uenas plerumq; reperitur. Libro uerò sequenti ita scribit. Εστ & μολύβδ' αινα, quam alibi Galenam uocauimus, plumbi & argenti uena communis. NAE. Satis ex his uerbis Plinij Galenam uenam esse uel plumbi tantum uel plumbi & argenti simul intelligitur. BER. Iam constat plumbum, de nigro loquor, ex hac una materia, quam ceræ nitis, & pyrite ac alio quodam genere non ita facundo huius metalli, excoqui posse: modo solum, quale ferè est Villacense, modo uariè mixtum cum argento, ita ut eiusmodi plumbi talentum nunc libram argenti, nunc mediam: interdum etiam minus contineat. Aliud præterea genus Galenæ est, huic, quod iam uobis ostendi, colore nihil dissimile, sed prorsus sterile ut totum uis ignium consumat. Hæc prima mea coniectura est, quod si quis ex alijs quibusdam quàm ex his ipsis, de quibus modo dixi, plumbum nigrum excoqui unquam aut uidit aut audiuit, dicat & minimè grauius feram rem in dubium uocari. NAE. Non coniectura est, meo iudicio, sed argumentum satis firmum, si tu, qui tot regiones peragraisti ex nullo alio genere plumbum

plumbum nigrum confici uidisti. BER. Equidem non uidi, quid alij uiderint nescio. Altera coniectura leuis admodum est, fateor. Galena siue Hispanicum, siue alterius gentis uocabulum sit, nihil moror: nam nostrum non esse hinc perspicuum puto, quod serius metalla fodi cœpisse in Germania constet: id certè nostri imitati, eandem rem similiter, ultimis tantum modo literis mutatis, appellarunt. AN. Hæc coniectura sua uis satis firma esse non uidetur, priori uerò iuncta eam non parum confirmat. NAE. Marcellus Virgilius, qui post Hermolaum Barbarum Venetum et Ioannem Ruellium Suebionensem, uiros doctissimos, Dioscoridem interpretandum sibi sumsit, utriusque linguæ, mea sententia, non fuit imperitus, sed in harum rerum cognitione penè rudis. Is mihi semper uisus est errasse, cum scribit in annotationibus suis se credere Galenam à Galecia Hispaniæ dictam. AN. Quid ita? NAE. Quia Plinius hac parte mihi grauius auctor, negat in Galecia plumbū nigrum, quod ex Galena conflatur, fieri: ait enim, Non fit in Galecia nigrum, cum uicina Cantabria nigro tantum abundet. AN. At idem candidum tam in Galecia quàm Lusitania gigni scribit. BER. Verum id ipsum non ex Galena, sed ex lapillis nigris, quod ipse etiam indicat, conficitur. AN. Discedamus à Marcello qui metalla nusquam se uidisse commemorat. BER. Recte, nam permultis erroribus, qui ex diuersis proferri possent, nunc supersedendum est. Tertiam autem, si placet, coniecturam audite. AN. Maximè. BER. Colore plumbi, ut uidetis est, atq; ob id Græcis $\mu\omicron\lambda\upsilon\beta\acute{\alpha}\gamma\iota\upsilon\alpha$, Latinis plumbaginem dictā arbitror, nisi

nisi quis iccirco potius, quod ipsum etiam pro me facit, sic dictam uelit, quod ex ea plumbum fiat. Itaque hæc sunt quæ pro plumbagine dicere uolumus & possumus, quæ si uobis uidentur uera aut ad uerum quam proximè accedere, habeo quod uolo, sin minus, non laboro: quin etiam uos adhortor ut contra hæc dicatis. NAE. Ferè mihi persuaferis, unus tantum restat scrupulus, qui me urget. BER. Quis tandem ille est? uidebo an eximi possit. NAE. Dioscorides Molybdænam suam fossilem, quæ ad Sebastiam & Corycum inueniebatur, flauam esse scribit & splendentē, at quam tu nunc nobis monstras splendet quidem, sed plumbea est, haud quaquam flaua. BER. Possem equidem respondere, me de Plinij Galena, quam ipse Molybdænam uocari scribit, dixisse, & sic nihil prorsus mea opinio labefactata esset, sed quia adhuc penderes animi, dicam quæ ego sentio: tibi deinde uel consentire uel dissentire liberum erit. A Dioscoride Galæna hæc, quæ plumbi colore est, si quid ego iudico lapis *μολυβδόειδος* quod plumbi specie sit appellatur, atq; is à Molybdæna natua ipsius Dioscoridis magis colore quam materia differt. NAE. Quid ita de lapide plumbario iudicas? fortè quod plumbi specie sit: at enim quæ specie & colore non differunt, non statim eiusdem etiam materiæ sunt: nōne gemmas hodie ex uitro natiuis illis tam similes quidam fingunt, ut persæpe improuidis imponant? quas tamen lima & ignis peritis non gemmas, sed uitra esse coarguunt. BER. Vera dicis, & profectò multa alia sunt quæ persæpe specie fallunt. Sed lapidem plumbarium materiam plumbi in se continere ex ipso

ipso Dioscoride perspicuum esse potest, qui easdem uires ipsum habere scribit, quas habet tum plumbum lotum, tum recrementum plumbi, & eodem quo posterius modo lauari. NAE. Memini. Sed audi Ancon, credebam nos sermonem habituros cum metallico quodam, at cum philosopho & medico, ut uideo, disputamus. BER. Ego meritò rideor, qui me non intra septa mea, quod modestiæ erat, contineo, sed in istos uestris campos admodum latos & mihi planè incognitos egredior: ubi quid facilius est, quàm aberrare? uestrum igitur erit, me reducere in uiam. NAE. Minime rideris, neq; hætenus, meo iudicio, erras, perge igitur. BER. Quod latini uenam, Græci modo terram, modo lapidem, ut audio, appellant: atq; ita mihi lapis plumbarius dictus esse uidetur, ut uena plumbaria dici solet. NAE. Venam, quemadmodum intelligo, materiam dicis ex qua metalla excoquantur. BER. Recte accipis. NAE. Itaq; æris uenam Galenus liberum nobis reliquit uel terram uel lapidem nominare. Sic tu quoq; lapidem plumbarium, materiam ex qua plumbum fit, dictum putas. BER. Rem teneas. Plinius præterea, qui Dioscoridem fermè latinū fecisse dicitur, Galenæ, quam etiam molybdænam uocat, uoce contentus nihil scribit de lapide plumbario: quin etiam uester Galenus, ut mihi nuper quidam retulit, ait se unà cum multis alijs natiuam molybdænam lapidis specie, quemadmodum Cadmiam in montibus & riuis Cypri, proiectam uidisse in uia, quæ à Pergamo ad officinas metallicas ducit: nec seorsim lapidis plumbarij mentionem facit, fortè quia & ipse pro eisdem habuit, quia non materia, sed colore solū differunt.

differunt. NAE. Est ut dicis. BER. Postremo Galenus in libro qui de compositione medicamentorum per genera inscribitur, eo loco quo docet quid inter emplastra facta ex lithargyro aut molybdæna intersit, inter cætera, ut mihi ante paucos dies quidam è Græco interpretabatur, ait è cerussa & lithargyro alba, è molybdæna subfusca & quæ cineraceo colore sint confici, id quod experientia ita esse nuper didici, cum ex nostra Galena, non flaua illa, sed plumbea, aqua & oleo, ὡς ἐλάσιον Græci, puto, appellant, emplastrum conficerem. Sed è molybdæna etiã, quæ opere fornacum fit, metallicam Plinius nominat, eiusdem quasi coloris emplastrum fieri comperi: hoc tamen interest, quod metallica igne liquefit dum in emplastrum coquitur, natiua uerò ut Cadmia lapides & harenæ etiam, non liquefit, etsi in puluerem tenuissimum fuerit redacta. NAE. Quid igitur Dioscoridi uisum est, qui scribit eam oleo incoctam iocinoris colore fieri. BER. Recte sensit, nam cum colorem cum oleo tantum coquitur, assumit. Sed Plinius hac parte, cum Dioscoridis uerba latine reddit, memoria mihi lapsus uidetur esse. Dioscorides enim facticiam, ipse natiuam ubi oleo coquitur, iocinoris colorem referre scribit. NAE. Idem mihi uidetur, nec mirum est in tanta rerum omnium congerie. BER. Candide iudicas. NAE. Multa nunc dixisti Bermanne, in quibus tibi assentiar necesse est, & quia sic esse apud Galenum & alios sciam, & quia nihil mihi iam occurrit quod obijciam. nondū tamen explicasti quæ esset fossilis illa flaua, & splendens Dioscoridis Molybdæna. BER. Singularis quædam memoria tibi est,

C

multa

multa enim modo à me non ob aliud dicta sunt, quàm
 ut te longius ab eo quod querebas abducerem, &
 ne, si quid dicerem de re non satis cognita, in scopu-
 lum aliquem, quod ualde timeo, impingerem. NAE.
 Iocaris, dic quæso si quid habes. BER. Extra iocum
 nihil certi habeo, sed quia ita uis, dicam quæ mi-
 hi uidentur. NAE. Dicis modo. BER. Galenam
 quæ plumbi colore est, dixi à fossili illa Dioscoridis
 magis colore quàm materia differre. Iam consentas
 neum est eidem materiæ differentes colores esse pos-
 se, diuersi enim uapores, è terræ uisceribus excitati,
 unam & eandem rem diuersis coloribus tingunt, &
 nos uidimus non unius coloris Galenam. Nam etsi fre-
 quentissimè est plumbei coloris resplendentis, inueni-
 tur tamen interdum nigra, interdum cærulea, inter-
 dum etiam iocinoris colore infecta, quas omnes post-
 quam cultello secare conatus fueris, non aliud quàm
 Galenam esse certo, tantum harum rerum omnino ru-
 dis non sis, cognosces. Quid igitur mirū flauam etiam
 inueniri? in calidis præsertim regionibus? quin apud
 nos non raro flauo colore obducta est, quæ & ipsa
 plumbum in se continet. NAE. Hanc crediderim
 Dioscoridis esse Molybdænam. BER. Fortè est.
 Flauum quoq; id quo conspersam esse Galenam solere
 iam dixi, seorsim reperitur in uenis satis copiosum,
 nonnunquam ita calore terræ temperatum, ut quum
 primum aspexeris metallicum quiddam in se contine-
 re dicas. Splendet etiā, maximè si diffindatur. NAE.
 Et tu adhuc dubitas hanc Dioscoridis esse? BER.
 Ego nihil temere affirmare uolo, uos per ocium dili-
 gentius inquirete. Sed audi, rogo. NAE. Audio.
 BER.

BER. Si Ancon ita, ut tu cœpisti, me oppugnauerit, ego profectò saucius & defessus, abiecto clypeo, è prælio aufugiam. AN. Ne timeas. NAE. Ridicule, quasi uerò uerba cum iam in fugam possint uertere, quem olim fragor armorum non terruit. Quare si quid uelis Ancon interroga. AN. Nihil est quod interrogem, nam ego Arabes arbitror Molybdænam ignorasse, uel eandem Lithargyro putasse. Siquidem Serapio qui in ea gente cæteris omnibus qui de materia medica scripserunt, diligentior fuit, nihil seorsum de ipsa, ut de alijs solet, scribit. Sed cum de plumbo agit, confricturæ eius addi, Dioscoridem imitatus, solum dicit: nec alius locus quisquam, in quo eius mentio fiat, nunc mihi succurrit. BER. Neq; de fossili scripserunt? AN. Non quod ego sciam, nisi fortè in aliquius emplastri compositione eius mentionem fecissent. Sed cognoscis ne ipsam? BER. Opinor. AN. Si nobis eam quoq; indicares, quasi postliminio quodam iure à nobis in usum medicinæ reuocaretur. NAE. Veteres ipsa magis quàm fossili sunt usi. BER. Probe dicis, sed hîc indicari non potest. In officinis uerò, in quibus metalla excoquantur, commode à uobis uidebitur. AN. Perge igitur ad reliqua. BER. Pergam, en uobis pyriten. NAE. Pyrites de quo multa in Græcorum libris scripta sunt, apud uos est? BER. Opinor. Si tamen satis probabilibus indicijs hoc nomen rei quam ostendo, asserere uobis non uidebor, me ut pro uestra cruditione libere reprehendatis uolo. NAE. Nunc Ancon intelligis quantum timeat. Iubet ut ipsum reprehendamus, & faciemus si modo uerè possumus. Cauendum enim nobis maxime ne quid in

C 2

confide-

consideratè unà statuentes à uero longius aberreamus. AN. Bene mones. Nam qui falsum pro uero persuadere conatur, plurimis multum obesse, sibi ipse parum omnino aut nihil prodesse poterit. Qua de causa si quid contra te Bermanne dicturi sumus, rogo ne succenseas nobis. BER. Nisi experientia, id esse pyriten, quod dico constabit, ipse meum errorem coarguam, tantum abest ut his qui à me dissentient, succenseam. NAE. Ille igitur pyrites est? BER. Argentarius est. NAE. Argenteo quasi colore est. BER. Argentum quoq; ex eo excoqui potest. NAE. Quid audio? Argentum in se continet pyrites? Plinius quidem argenteo colore pyriten quendam esse dicit, sed ex eo argentum excoqui posse, neq; ipse, neq; ueterum quisquam, quod ego sciam, memoriæ tradidit. Quocirca uide ut tua possint subsistere. BER. Subsistent spero. Primum hoc mihi responde, in tanta rerum omnium multitudine, & uarietate ueteres quædam ignorasse, an omnia cognosse & literis mandasse credis? Verisimile est quædā ipsos ignorasse, quædam cognosse, etsi ea posteris nō tradiderint. BER. Recte sentis. Mittunt hodie Moschus, Rhutenus, Biladelphus preciosas & uarias pelles animantium, quorum ueteres ne uerbo quidem mentionem fecerunt, cum eorum natura non minus digna esset ut memoriæ mandaretur, quàm uel cuniculi, uel uiuerræ. Ita in rebus etiam metallicis fortè quædam ignorarunt, maxime cum ea ipsa pro regionum dissimilitudine, ut & alia multa, non parum inter se distent. NAE. Non repugno. BER. Concedis ne æs ex pyrite conflatum fuisse? NAE. Quid ni? cum apertè id ipsum Dioscorides

rides dicat. AN. Serapio è Marchasita æs excoqui
ait, forsan idem erit Marchasita quod pyrites. BER.
Idem planè. Nam quod Græci & post eos Latini py
riten, Arabes tui Marchasitam appellant. NAE.
Est ut dicis. BER. Alterum igitur pyrites genus
est, quod in argentarijs fodinis non raro, frequentius
uerò in ærarijs inuenitur, ex quo æs nostri cōflare so
lent, id me in oculis habere credo. NAE. Ostende
nobis obsecro. BER. Hic uidetis. NAE. Specie æ
ri assimilis est, qualem Dioscorides præ cæteris in u
sum medicinæ eligit. BER. Recte. NAE. Sed Pli
nius scribit: Pyriten uocant, quoniam sit plurimus i
gnis illi. elicitur ne ex eo ignis? BER. Facile ex eo i
gnis excuditur, atq; ea de re unà cum Plinio Græcis
ita dictum puto, quamuis & inde nomen habere uide
ri possit, quod igneus color persæpe ipsi sit. NAE.
Posset, sed ab autoribus discedendum non est, præser
tim si res ipsa ab eorum sententia non dissentiat, sed
eam etiam confirmet. BER. Bene iudicas. NAE.
Perge. BER. Secundum hoc genus est aureo ferè
colore, quod unà cum primo, ut idem Plinius scribit,
quidam & in Cypro reperiri, & in metallis quæ
sunt circa Acarnaniam uolunt. NAE. Memini. Sed
ipse mihi uidetur pyriten, quem similitudine æris esse
dicit, coloribus distinguere, ut unus argenteo, alter
aureo sit. BER. Melius me meministi, & bene sane
dicit, ex utroque enim æs conflatur. NAE. Nonne
paulo antè dixisti ex argentei coloris pyrite argen
tum fieri? BER. Dixi, & ita est. NAE. Argentū
igitur & æs in se continet? BER. Modo solum ar
gentum, modo solum æs, modo argentum & æs si
mul,

mul, modo argentum & plumbum nigrum, modo plura metalla, modo sterile omnino est, ut nullum metallum ex eo confici possit. Similiter de altero genere quod aureo colore esse dicit iudicabis. Verum praeter haec duo aliud genus est aureo prorsus colore, quo quartum de quo nunc dicturi sumus, non raro conspersum esse solet. NAE. Dic nobis de quarto genere. BER. Colore Galenae simile est, ut non immerito quispiam dubitare posset utri adiudicandum, pyritae an Galenae: nostri eo quo reliquos pyritas nomine appellant. NAE. Quod est illud? BER. Kisum. NAE. Neque Graecum, neque Latinum est. BER. Nostrium est, non aliunde sumtum. Sed forte nec pyrites, nec Galena est, sed suum quoddam genus habet. Nam pyritae colorem non habet neque duriciem. Galenae autem colore ferè est, sed materia prorsus differt. Conficitur uero ex eo aurum & argentum, atque eius magna copia Reichensteini, quod est in Silesia, unde mihi nuper allatum est, effoditur, multò etiam maior Raurisi: sed hoc argenti plus, auri parum, illud aurum solum, aut non multum ferè argenti simul continet. Est quintum genus colore cineraceo, quod ipsum quoque Reichensteini subtile admodum inuenitur, ac proximo generi, ut ex eo aurum excoqui possit, admiscetur. Hoc idem Aldenbergi in eadem Silesia reperitur, paulò diuersum, atque ex eo aurum & argentum conflatur, quod genus nostri etiam Kisum appellant. NAE. Cum descenderis haec nobis indicabis. BER. Fiet. Postremo illud adiiciendum, pyriten tam aurei quam argentei coloris saepe in metallis argenteis, saepius in propria uena reperiri, prorsus, ut & ante

ante dixi, sterilem. NAE. Quem igitur in arte metallica usum præbet? BER. Si multus inuenitur in lapidis quoddam genus conflat, cuius usus in argento excoquendo non exiguus est. Sed idem pyrites non raro in riuis reperitur, quem plerique Chymistarum non sine multorum risu colligunt, cum ferè sit sterilis. NAE. Plinius præter iam dicta aliud genus pyritæ uidetur indicare: Pyritarum etiamnum aliqui genus unum faciunt, plurimum habens ignis, quos uiuos appellamus, & ponderosissimi sunt. Hi exploratoribus castrorum maximè necessarij, qui clauo uel altero lapide percussi, scintillas edunt, quæ exceptæ sulphuratis, aut fungis aridis uel folijs, dicto celerius ignem trahunt. BER. Videtur, sed ex plerisq; quos nunc dixi, ignis excuditur & ponderosi sunt, nec mirum inter eos aliquando reperiri, qui ponderosissimi sint, & ad ignem eliciendum maximè idonei, igitur omnino nego aliud genus esse præter ea, quæ nunc recensui. Vt autem è duobus primis pyritarum generibus, si sint densi, craffi, & compacti, ignis facile excuditur: ita si rari, subtiles, & in minimas quasi partes dissoluti fuerint, quales inueniuntur persæpe, ne scintillam quidem edunt: quemadmodum nec tria postrema genera, quod neq; ipsa satis solida sint. NAE. Eorum unum aurei prorsus coloris, alterum Galenæ simile, tertium cineraceum dixisti. BER. Rectissimè. AN. Quem igitur ex his omnibus eligunt medici? NAE. Ex Dioscoridis sententia cum qui æris specie est, siue ut Plinius reddidit similitudine, quiq; percussus facile scintillas edit. Alterius generis talis est, si rectè accepi. BER. Mihi uerò & primum genus similitudinem

litudinem quandam æris, si solidum sit, uidetur habere, et si colore nonnihil differat. Excuditur autem ex ipso quoque ignis, quare meo iudicio non reijciendum. N A B. Videtur etiam mihi nunc, cum $\chi\alpha\lambda\alpha\iota$ hoc dicit Dioscorides, significare speciem æris et formam potius quam colorem. Qua de causa dissoluti illi, quia eam non bene seruant, nec scintillas edunt, abijciendi sunt. Solidi uero istius generis accipiendi etiam. Sed equidem in his quæ dixisti tibi assentior, quam ob rem, nisi Ancon quicquam dicere uelit, ad alia transeundum puto. A N. Difficile mihi est à uobis dissentire, et me unum duobus opponere, cum in prouerbio sit, Ne Hercules quidem contra duos. Et profecto nisi Bermannus iam ante nos etiam adhortatus esset, ut libere ab eo dissentiremus, omnino mihi tacendum putarem. Sed quia de his rebus disputare utrique uestrum molestum non est, dic mihi Bermanne nonne paulo antè consensimus, pyriten ab Arabibus appellari Marchasitam? B E R. Ita est. A N. Si igitur ex pyrite tot metalla, quot tu dicis, excoquuntur, quid Albertus, qui de metallis omnium diligentissimè scripsisse dicitur, sensit? qui omnis generis metalli pyriten, siue ut ipse appellat Marchasitā, ignem consumere ait? dicemusne tantum uirum hæc ignorasse? qui et Germanus fuit, et metalla diligenter inuisit. B E R. Sæpe miratus sum, quomodo Albertus, qui, ut temporibus illis, uir doctus fuit, in eam opinionem uenerit, ut negaret metalla è Marchasita constari. Pyrites sine dubio Arabibus Marchasita est. Nam omnia quæ apud Græcos de pyrite scribuntur, Arabes sub Marchasitæ nomine in suam linguam transtu-

transfulerunt. Iam è pyrite æs excoqui apertissimè
Dioscorides scribit, & Serapio Arabs, quod tu nobis
ante in memoriam redigebas, in Marchasita repetit,
& nos id ipsum uidemus cum in plerisq; alijs officinis
metallicis, tum Cuperbergi in Silesia, ubi ex eodem
atramentum sutorium etiam conficitur. Quod si Al-
bertus obseruasset, uel Serapionem legisset, nunquam
in eum errorem incidisset. AN. Credo. Auicenna
certe, qui Galeni copiosissimos libros in epitomen
quandam suis Arabibus contrahere conatus est, te-
cum sentit, Marchasitam auri, argenti, æris, & ferri
esse tradens. BER. Itane Arabs ille sentit? AN.
Ita planè. BER. Plura ergo de pyrite quàm Plinius
nouit. NAE. Plura etiam quàm Græci ipsi, absit
uerbo inuidia. BER. Huius igitur sententiam si Al-
bertus noster aduertisset, aut tam diligenter metalla
apud quæ se uersatum fuisse scribit, inspexisset, quàm
facile Chymistis aures dedit, nunquam lapsus fuisset.
AN. Et mihi uidetur errasse Albertus. BER. At
idem istis non uidebitur. AN. Quibus? NAE. Non
intelligis? Philosophos & Medicos nostros notat.
BER. Non omnes, sed barbaros, & inter hos tan-
tum eos, qui prauo sunt animo. Nam bonos uiros, qui-
bus per iniuriam temporis doctiores fieri non licuit,
irridere penè impium esse iudico: doctos, etiam insa-
num. AN. Multa pyritarum genera modo recensui-
sti, de ferri tamen pyrite nihil à te dictum est, de quo
scribit Auicenna: reperitur ne ipse in fodinis nostris
ferrarijs? BER. Reperitur ferreo prorsus colore,
massæ autem ferreæ speciem præ se fert. Sed hîc indi-
cari non potest. AN. Vbique fodinæ ferrariæ sunt,

quam ob rem facile ipsi inquiremus. BER. Non in omnibus reperietis ipsum. AN. Perraro ergo inuenitur? BER. Non ita frequenter ut reliqui. Sed est praeterea aliud genus ferrei quasi interdum coloris, Cobaltum nostri uocant, Graeci Cadmiam non multum differens à pyrite, quod alio loco uobis indicabitur. Vestri uero officij esse censeo de uiribus & natura Molybdanae & pyritae nunc dicere, ut nostris sermonibus non solum metallica, sed etiam medica tractemus, utq; par pari refratis. NAE. Iniquum esse arbitror tibi quicquam negare, qui te nobis exhibuisti tam facilem. Sed ucreor Bermanne ne uerissimè actum agere dicamur, qui post Dioscoridem & Galenum, quorum uterq; iam etiam Latine legitur, aliquid de medicamentorum uiribus dicere, nisi quid noui dicamus, uideri uelimus. Idem de uniuersis quae in medicina tractantur iudico. Nā si Oribasius $\Sigma\tau\alpha\tau\epsilon\sigma\ \tau\omega\ \epsilon\pi\iota\tau\omicron\mu\acute{\omega}\nu$ quas duobus & septuaginta libris absoluit, quasq; rursus septem in $\epsilon\pi\iota\tau\omicron\mu\acute{\omega}\nu$ redegit, non multa è scriptis ueterum medicorum Ruphi Mnesitheï, Antyli, Soriani, & aliorum qui perierunt collegisset, & ea solum quae essent apud Dioscoridem & Galenum scriberet, non nisi magno quodam legeretur tædio. Verum sit huius labor utilis, sit Pauli Aeginetae, qui amplissima illius uolumina & ipse in epitomen deduxit, ut ingenuè fatetur: Aetium certe & Psellum quibus idem studium fuit, non sine summa molestia legimus in his locis in quibus nobis eadem penè ad uerbum è dictis autoribus recitant. Mitto hinc Alexandrum, Aretium, Actuarium, Moschionem, & reliquos. BER. At fortè in istis nonnulla sunt

Sunt à ueteribus non scripta. NAE. Sunt pauca quædam, atq; ob ea ipsa tolerabiles sunt. Iam ad Anconis nostri Arabes, quibus idem animus, qui iunioribus Græcis fuit uenio. Quos si cogitas Arabibus scripsisse, laudabis uiros, qui nationem suam doctissimis Græcorum inuentis carere noluerunt: sin ineptè in latinam linguam uersos legi, dolebis nos consecrari uiuos, & rerum fontes non uidere. Deinde molestū erit eadem toties tibi occini, postremo barbarici multum indignaberis. Rasis enim, sentiet mecum qui utrunq; legit, ipsis Arabibus id est, quod Græcis Oribasius, cuius ita studiosus fuit, ut utranque suorum librorum inscriptionem ab illo mutuatus sit. Auicēna alter quasi Paulus est, quamuis eo longe & copiosior sit & plura tractet Serapio Dioscorides qua parte medicinas simplices explicat. Reliquos consulto nunc prætereo. AN. Nostorum labor alio etiam nomine, præterquam quod suis scripserunt, commendandus est. BER. Quo? AN. Quod medicinam multum auxerunt. NAE. Quàm multum? AN. Eorum opera & industria in usum medicinæ uenerunt Muscus, Ambra, Camphora, Cariophyllon, Cassia fistula, Myrabolani, Tamarindi, Senæ, nux Indica, nux uonica, Zedoaria & quædam alia, quibus hodie frequenter & non infeliciter utimur. Nonnulla etiam accuratius quàm Græci tractarunt. NAE. Ea omnia tanta sunt, ut ipsa non magnus liber caperet. Quæ ut quis colligat è re eorum, qui suum studium derunt medicinæ, esse puto. Quod tu Ancon facile facere posses, qui in Arabum libris diligenter uersatus es, & latina præterea calles. AN. Ego uerò non
sum

sum cupidus istiusmodi laudis, quæ multò maximis calumnijs quærenda est. BER. Colligas non ut edas, sed ut amicis communices. AN. Considerabo quid faciendum sit. NAE. Ad latinos transeo, inter quos Cornelius Celsus Hippocratem ferè transtulit. Plinius autem Dioscoridem, tametsi ipse dissimulauerit, et Colenucius fortiter neget. E iunioribus autem Nicolaus Florentinus idem conatus est efficere, quod apud Græcos Oribasius, apud Arabes Rasis. Hunc immensa scriptorum turba consequuta est, quorum pars infinitis quæstionibus dialecticis medicinam nobis ualde implicatam reddidit et obscuram. Pars quomodo ipsa exercenda sit barbare et inepte tradidit, in quibus quod molestissimum est, eadem sexcenties repetita inuenies. Post quos omnes qui se putat de medicina aliquid dicere uel scribere, nisi quid noui afferat, nonne ineptus erit et molestus? AN. Ita est, sed equidem uellem aliquem esse, qui rem medicam optimam quæq; è scriptoribus omnibus excerpendo, latinis literis illustraret, ne semper nobis Græcæ linguæ ignaris in istis uersandum esset, qui mihi cum arti ipsi percipiendæ, tum latino sermoni multum officere uidentur. Longe autem magis è re studiosorum esset te Næuium hæc ipsa facere, quàm me ex Arabibus quædam colligere. NAE. Tantam eruditionem mihi non esse uideo, quæ ad hanc rem pro dignitate tractandam sufficiat. Sunt optimæ spei iuuenes, qui hoc præstare poterunt, inter quos primas tribuerim Iohanni Clementi Anglo, quem nescias an Græcia an Latium rectius sibi uindictet, ita est utriusque linguæ et medicinæ peritus, prudens præterea et integer. Secundus

cundas Petro Brissoto Gallo, qui quantum in medicina possit nuper unico illo libello, quo tractat utrius uena brachij in pleuritide incidenda sit, declarauit, quanquam hoc idem Matthæus Curtius acerrimi uir iudicij, & Galeni studiosissimus ante multos annos Papiæ, & ab hinc quinquennio Patauij fecerit. Sunt alij multi iuuenes medicinæ studiosi, & Græce ac Latine docti, partim nobis uisi, partim sola nominis fama cogniti, quos omnes nunc recensere nimis longum esset, nec dubito inter eos unum aliquem futurum, qui aggrediatur utile illud opus & præclarum. Si uerò maturioris ætatis uiros, qui hoc faciant, uelis, sunt in Gallia Copus Basiliensis, & Ioannes Ruellius, alter Galeni, alter Dioscoridis interpretatione nobilis. In Italia Ioannes Manardus, qui doctissimas epistolas nuper edidit, & alia quædam scripsit nondum edita. Et Baptista Opizo, cuius uiri prudentiam & uitæ integritatem, an insignem utriusq; linguæ eruditio- nem, ac summam in medendo felicitatem magis admireris dubites. Magni nominis uel nunc est apud Venetos, maximi futurus, si se à morbis curandis quantum posset, non abstraheret, ut bona studia promoueat. Nam huius potissimum opera, & Anglorum quorundā, maxima Galeni pars in chartis impressa legitur. Leonicensius autem & Linacer, qui ante paucos annos obierunt, nisi studia medicinæ interpretando Galenum iuuare maluissent, utriq; illud idem efficiendi non tam facultas defuisse uidetur quàm uoluntas.

AN. Utinam id ipsum aliquando fieret, tum enim paucis latinis contenti, medicinam sic disceremus, ut eam augere studio plura quotidie inueniendi, non cor-
rumpere

rumpere ineptis quaestionibus, quod nunc frè fit, enteremur. Si uerò aliquem Græcorum scripta delectarent, ut non possunt non delectare, is si Græce sciret, ipsos in sua lingua: si nesciret, optimas quasq; conuersiones legeret. Quod si Arabes etiam placerent, remitteremus ipsum uel in Arabiam. BER. Tunc mihi quoq; medicorum decreta percurrere liberet, nūc uerò quoties in istos incido, toties mihi nauseam mouent, nec ultra possum pergere. Verum tu interea nobis summam uires tum molybdænae, tum pyritæ explicabis. Nam quo sæpius eadem aut audieris, aut legeris, modo in tempore & latine dicantur, eo firmitus in memoria insidebunt. NAE. Quia ita uis dicam, sed paucissimis, multis enim neq; decet, neq; libet. Itaq; Molybdæna uires Lythargyro, quod mediæ temperationis est, similes, ut Galenus scribit, habet. Ab ipso tamen parum ad frigidum inclinat, neq; ullas abstergendi uires habet, quin etiam densarum magis partium est. Quod si ex eo emplastrum adiecto oleo & aqua confeceris, multò erit utilius, quàm si acceperis in id Lythargyrum, his præsertim qui molli sunt carne, quales sunt pueri, mulieres, uiri etiam candida admodum cute, quorum plures habere frigidissimam quàmq; regionem uidemus. Igitur prohibemus iam dicto emplastro, ne quid inflammatis & ulceratis particulis influat, aut si quid influxerit, id ipsum in loca quæ in circuitu sunt reprimimus. Hæc de molybdæna nunc sufficiant. BER. De pyrite quid habes? NAE. Ipse insignem uim discutienti ea, quæ coierunt in aliqua corporis parte, habere traditur, quamobrem eius generis emplastris utiliter miscetur. Quomodo uerò cre-

ro cremandus & lauandus sit antequam in emplastrū
inijciatur tam Galenus quā Dioscorides diligentis-
sime scripserunt. Quos si legeris, mea non multum,
quod ad uires harum rerum pertinet desiderabis.
BER. Ancon quid Arabes de his scribunt dicet. AN.
De molybdæna apud Arabes, quod & ante dixi, ni-
hil esse scio. De pyrite autem eadem ferè, quæ Græci
scribunt. Magicum tamen quiddam adiiciunt, quod
si audire uobis collibitum fuerit, dicam. BER. Dicis
rogo. AN. Insans qui collo appensum pyriten ge-
stat, lemures & lamiæ non timet, sed tu perge ad re-
liqua. BER. Sedete primum. AN. Fiat. BER.
Argenti rudis genera apud nos multa sunt, nec ea o-
mnia ueteribus forte cognita, quorum alterum ab al-
tero colore potissimum discerni potest. NAE. Quid
argentum rude appellas? apud fabros argentarios
aut certe monetales, argentum iuxta Varronem non-
dum flatum signatūq; ita diceretur. BER. Scio,
sed permitte mihi, ut nunc sic nominem id quod argen-
tum quidem est, sed colore adhuc differt. Et ad hoc,
ut argenti colorem, qui albicans, ut nostis, est, acqui-
rat, indiget excoctione. NAE. Nos hæc nouitas mi-
nimè offendit, & facile tibi permittimus, ut post hac
sic loquaris. Vide modo, ut alij id tibi permittant.
BER. Nominent ipsi ut uelint, modo inter nos de re
ipsa constet. Argenti igitur rudis genera colores di-
stinguunt ruber, plumbeus, niger, purpureus, cinera-
ceus, ruffus. Atq; hîc rubrum primo licet uobis cerne-
re. NAE. Apparet carbunculi aliquod genus esse.
BER. Omnino, attamen carbunculus plerunq; acris-
us, hoc languidius refulget. Inuenitur autem id ipsum
uarijs

uarijs modis. Modo enim in nigrore quodam quasi lu-
cet, modo saxi aliquod genus eius ueluti scintillæ quæ-
dam amplectuntur, modo solidæ ipsius massæ ad saxa
adhærescunt. Est uerò id interdum simplex, inter-
dum altera sui parte quæ prominet in mucronem qua-
si turbinatum, altera materiam aliquam, quam uena
simul continet complectitur: atq; ita iam quadratum
in modum tesserae esse solet, iam sexangulum ut Ada-
mas, frequenter plures & inæquales angulos, ut I-
ris habet. Præterea idem admiranda quadam pulcri-
tudine cæruleo conspersum conspiciere licet, uidetur
que mihi natura ipsa tantis operibus perficiendis qua-
si defessa, iucundissimis picturæ floribus se recreasse.
Atq; haud scio an ars summo etiam conatu eam pul-
critudinem assequi possit. Hic autem aliqua eius gene-
ra uidetis, alia alijs locis uidenda erunt. NAE. Co-
gnouerunt ne hoc argenti genus ueteres? BER. Non,
quod ego sciam, nisi Theophrastus de lapidibus
eius mentionem fecisse uideri possit, cum de his loqui-
tur qui aurum & argentum in se continent, è fodinis
metallicis effossi, his ipsis uerbis: Gemma alia est co-
lore prunis asimilis. AN. Quantum de sua mole de-
perdit dum excoquitur? BER. Parum admodum, ut
etiam plumbei coloris syncerum & solidum. uapores
enim calidi & sicci, è profundo terræ excitati, suc-
cum, è quo natura argentum conglutinauit, hoc mo-
do uarijs coloribus pro sua uarietate tinxerunt. AN.
Tecum, ni fallor, sentiret Aristoteles, sed est ne ali-
quis eius usus, præterquam quod argentum ex eo ex-
coquitur? BER. In picturis. Siquidem nobilis color
ex eo conficitur, minio quod ueteribus tantopere ce-
lebratur,

lebratur, non inferior, sandaracæ uerò etiam superior. NAE. Haberet fortè & in medicinis locum? BER. Quis negaret cum nemo adhuc expertus sit? Sed ad alterum genus transeo, quod plumbeo colore esse dixi, quòdque hìc uidetis. NAE. Galenam planè refert. AN. Imò Galena ipsa est. BER. Non est. AN. Mihi quicquid ita uidetur simile ut aqua aquæ, lac lacti. BER. Simile admodum est fateor, non tamen idem. Age canes lupis interdum similes sunt. AN. Recte. BER. Nunquid etiam eosdem dicemus? AN. Minime. BER. Napi etiam rapis similes. AN. Sunt quidem oblongis & gracilibus. BER. At quis eadem esse diceret? AN. Nemo opinor, nisi imperitus aliquis medicus. Nam hortulani & rustici ipsi primo statim aspectu discernunt. BER. Itane hoc genus argenti quia simile sit colore, idem cum plumbagine esse rectè possumus dicere? NAE. Est ut dicis, non enim si quid cui simile est, idem planè esse necesse est. AN. Qui igitur distinguitur à plumbagine? BER. Suas quasdam notas habet, quæ interdum perdifficiliter, internoscantur tamen, sed profectò non nisi à uiro in harum rerum cognitione ualde exercitato. AN. Notas igitur ut dicas rogo, quibus alterum ab altero possit internosci. BER. Dicam, ut colore multum inter se, quemadmodum uides, conueniunt, ita reliquis omnibus quàm maximè differunt. Galena friabilis est, & cultro uulnerata dissilit. Hoc argenti genus non ita teri potest, & cultro diffinditur perinde ac plumbum, atque dentibus compressum dilatatur, quod Galenæ contingere non solet. AN. Bene distinguis, nunc planè diuersum quiddam à Galenâ esse cognosco.

D

sco.

sco. BER. Inuenitur & hoc uaria ratione. Inter
dum enim massæ miræ magnitudinis in cannalibus ue
narum, tanquam in nido quodam, reperiuntur. Inter
dum ut gemmæ ex arboribus pullulascunt, ita ipsum
admiranda rotunditate ad saxa adhærescit, & in i
psis continetur. Præterea uirgulas exprimit, ac ua
rias quasdam figuras. Vidimus apud Bartholomæum
Bacchum è fodina, cui Constantino nomen esse ante
diximus, effossum, quod planè referebat ligonem &
malleum, quæ instrumenta metallica sunt. Crederes
apud fabrum argentarium ita conflata. Sic natura
lus suos uidetur exercere, nisi quis istiusmodi fortui
to fieri malit. Deniq; eiusdem tenuissimæ bractæ sa
xi aliquod genus amplectuntur. NAE. Hoc ueteri
bus, opinor, incognitum fuit. BER. Idem ego sen
tio. Sed ut institutum ordinem persequar, tertium
iam inspicite genus, quod nigrum est. NAE. Quid
in nigrore ita lucet? BER. Illud ipsum genus est,
quod modo Galenam referre, plumbeoq; colore esse
dixi. Pari ratione rubri etiam scintillas & natura
candidi in se continere solet. Atque quo magis his ipsis
abundat, tanto plus argenti, dum in fornacibus exco
quitur, reddere solet. Purpureum autem quod & i
psum argenti non parum habet, in montis Turcici fo
dina, cui à Schonbergio quodam nobili nomen posi
tum, conspicere liceret. NAE. Ne hæc quidem Plin
nius cognouisse mihi uidetur. BER. Recte dicis. Idem
tamen cineraceum & ruffum nouit, quod his uerbis
apertè indicat: Terra est alia ruffa, alia cineracea.
Cineraceo certò, quod hic uidetis suus honor est. Nā
per sepe argento diues est, maximè cum subdurn fuc
rit ut

rit ut cultro secari possit. Si uerò molle fuerit, & tenuissimæ bractæ argenti plumbei coloris in ipso splendent, etiam tum abunde argentum ex eo excoquitur: quòd si eiusmodi non adsint, minus. Restat ruffum, quod uel ipsum, quanto plus argenti aliorum generum in se continet, tanto argenti maior ex eo copia fit. Sed illud uidere nunc non possumus. NAE. Videmus suo tempore & loco, Plinij potissimum gratia, qui non nisi è duobus his terrarum generibus, & Galena argentum excoqui posse nouit, aut certe memoriae, si ex alijs fieri nouit, tradidit. BER. Sentis idem quod ego. Sed antequam ex hoc domicilio egrediamur, genus quoddam præterea uobis ostendam, quod metallorum in numero est, sed ueteribus, ut mihi uidetur, incognitum, Bisemutum nostri appellant. NAE. Plura igitur quàm hæc peruulgata & nota septē, tua sententia, metallorum genera erunt. BER. Plura arbitror, nam hoc quod modo Bisemutum nostros appellare dixi, neq; recte plumbum candidum, neq; nigrum dicere potes, sed ab utroq; distat, & tertium quiddam est. Siquidem, ut cætera quibus ab his ipsis differt taceam, plumbum candidum eo candidius, nigrum obscurius, ut uidetis, est. NAE. Videmus quidem ipsum Galenæ etiam colore simile. AN. Quomodo uerò Bisemutum, ita enim appellare tu uidebare, à Galena discerni potest. BER. Facile, cum id ipsum manibus tractaueris, eas nigrore quodam, nisi planè solidum fuerit, inficit. Solidum uerò friabile ut Galena non est, sed secatur. Nigrius autem aliquanto est argenti rudis genere, quod plumbi ferè colore esse diximus, atq; ita ab utroque seiungitur. Continet

D a

uerò

uerò in se non raro aliquid argenti. Quo etiam loco effoditur, argentum plerumque subesse significat, & ob id metallici nostri tectum argenti ipsum dicere consueuerunt. Torrere idem solent, atque ex eius potiori parte metallum, è uiliori cærulei quoddam genus non contemnendum conficiunt. NAE. Possunt ne ex hoc genere metalli, ut ex utroque plumbo uasa constari? BER. Possunt, nam aliqua eius portione ad plumbum adiecta, pocula fiunt haudquaquam ingrata. AN. Equidem nec apud Arabes, qui aliquot seculis Chymicen Græcos imitati præ cæteris diligenter tractarunt, mentionem ullam huius metalli factam scio. Quare in paucis regionibus ipsum reperiri & mihi persuadeo. BER. Si Chymistæ id non numerant, neque inter corpora quæ apud eos sex sunt, neque inter spiritus siue animos, quos & ipsos numero definitos habent maxime Græci & Arabes, desperarem apud uetustiores tum philosophos, tum medicos reperiri. Sed iam uidistis argenti materiam quæ in hoc domicilio est. NAE. Quantum argenti ex ea excoquitur? BER. Certo scire non possum, coniectura tamen id indicabo, ultra duo milia pondo. NAE. Thesaurus est. Vestri felicius & cæcogonitæp exercent, quàm indocti isti & inepti Chymistæ. AN. Nec mirum est eos nihil efficere, qui quàm longissimè à scopo, qui ab Arabibus præscriptus est, aberrant. BER. Neque Græcorum uestigia consectantur, sed nugis quibusdam & deceptionibus iuniorum credunt, qui artem penitus deprauarunt. NAE. Chymicen relinquamus, ne uestri audientes nos rideant. Nostis enim ipsam ualde irrideri & multis suspectam atque inuisam esse.

esse. Non exiges hîc à nobis ut aliquid de uiribus hæ-
rum rerum quas nobis indicasti, dicamus. Nam uetere-
ribus, ut ipse nosti, magna ex parte incognitæ fue-
runt. Quamobrem surgendum nobis est, & aliò eun-
dum, ubi plura uidere poterimus. BER. Eamus ad
proximam fodinam, quæ caput aliarum est. AN. Re-
cte. NAE. Primòne conspiciemus hîc ea, quæ in tu-
mulo egesto sunt circum casam? BER. Ea alibi uide-
ri poterunt atq; etiam commodius & melius. Sed in-
grediamur in præsidis huius fodinæ domicilium. AN.
Mihi placet, si Næuius non displicet. NAE. Minime
quàm multi hîc quoq; aluci & moduli sunt argenti
materia referti, quod genus hoc est quod argenti co-
lorem habet? BER. Argentum est. NAE. Quid
hîc agitur cum argento excocto, ubi nec fabri argen-
tarij sunt, neque officinæ, opinor, monetæ cudendæ?
BER. Excoctum non est, sed sic planè ortu genera-
tum. Vidēsne hac parte saxi quippiā ad ipsum adhæ-
rescere? NAE. Video. AN. Quàm multa uident in
aliquo genere exercitati, quæ rudibus & inexerci-
tatis penitus recondita esse solent. Nam non modo
Næuius, sed ego etiam non aliud quàm argentum ex-
coctum id esse putassem, nisi tu clare, ut soles, osten-
disse saxi, à quo abreptum est, aliquid ipsi adhære-
re. NAE. Bermanno, his uisis, non possumus non
credere, sed Plinius prorsus ignorauit argentum,
quod sine opificio fornacū suum est reperiri, id quod
hæc uerba satis declarant. Non nisi in puteis reperi-
tur, nullāq; sui spe nascitur, nullis, ut in auro, lucen-
tibus scintillis. Terra est alia ruffa, alia cineracea.
Certe si fodinas nostras inspexisset, nunquam illum

hæc ipsa scripturum fuisse arbitror. BER. Quid scintillas argenti negat in uenis inueniri? cum non modo tantæ, quantas nunc cernitis, massæ ex hoc puteo effossæ fuerint, sed quæ plus quàm duo talenta, quod permulti uiderunt, penderent. NAB. Nunc intelligo Plinium, uirum alioqui diligentem & doctum, multa ignorasse, in rebus præsertim metallicis, & ea solum quæ uel apud Græcos legerat, in latinam linguam transtulisse, uel quæ apud Hispanos in metallis esse sciuerat, scripsisse. Iam apud Græcos scriptores nusquam quod ego sciam, legitur argentum purum è fodinis effossum, neq; apud Hispanos idem fuisse ex Plinij scriptis, satis liquet. BER. Credo, neq; etiam in omnibus Germaniæ fodinis reperitur, sed circa Boëmiam modo, ut hîc in Sudetis montibus & olim Snebergi, ubi è fodina quæ Georgius appellatur, tanta eius copia, quanta ex alia nulla in Germania unquam effossa fuit. Siquidem aliquando, ut accepimus, tantam massam è uena exciderunt, ut Albertus Saxoniæ princeps, qui præ cæteris Germaniæ principibus hominum memoria tum admirabili quadam belli gerendi laude, tum diuitijs plurimum floruit, quique Georgij qui nunc rem prudentissime administrat pater fuit, cum ipsius uisendi gratia in eam fodinam descendisset, curauerit sibi cibum & potum deferri: atque ipsa pro mensa cum suis usus ita locutus esse fertur. Fridericus imperator potens & diues est, eiusmodi tamen mensam hodie non habet. Hæc Albertus tum magna admiratione tantæ molis commotus. Me uerò cum in summam quandam id argenti quod effossum fuit, colligi Snebergi audirem, longè maior cæpit admiratione.

miratio. NAE. Inaudita multis narras, sed quot pondus hæc massa penderet? BER. Decem paulo amplius opinor. NAE. Grauis est. BER. Huius generis argenti quod sui coloris est, unciam, si drachmam mediam remiseris, fabri argentarii pro argento excocto emunt. Quæ idcirco condonari solet, quia saxi à quo abscissum est, pars aliqua, quod modo uidistis, ad ipsum ferè adhærescit. Præterea tenuissimæ etiam argenti puri bractæ, saxi aliquod genus amplectentes, quales hîc cernitis, crebro, ut neget Plinius inueniuntur à nostris. NAE. Equidem nunc Germaniam cæteris regionibus omnibus et præstantius argentum habere, et ipso magis abundare pronunciare ausim. BER. Mecum planè sentis. Atque idem argentum purum iam uirgularum, iam capillorum speciem præ se fert. Sic nonnunquam globum quendam, è minimis huius quasi filis connexum, candidissimum inuenies, interdum subrubrum. Hoc etiam genus argenti admirando naturæ artificio alicuius interdum instrumenti, aut arboris figuram uidetur referre, id quod nos non sine summa animi delectatione uisimus. NAE. Non possunt non delectare illa naturæ opera uirum philosophiæ studiis deditum, qualem te esse dudum ex his nostris sermonibus animaduerti. Sed age nidi nunc ut aurum purum, de quo Plinius et Strabo scripserunt, quodq; nuper quidam à Cotteneheida allatum mihi ostendit, ita et argentum sine fornacum opificio inueniri. Cupio ex te scire an alia metalla quoque ita perfectæ in suis uenis reperiantur. BER. Aes non modo in ærarijs metallis, sed argentarijs etiam. AN. Si bene memini Albertus sic effossum, ut

sum, ut cum substantia lapidis mixtum non esset se uis-
disse negat. BER. At uos nō negabitis. NAE. Quā-
uellem ipsum uidere. AN. Et ego. BER. Si uultis
reframus pedem atque ad Apollinem, quæ decimum
huius uenæ demensum est, accedamus. NAE. Ea-
mus, tu interea nobis dicas rogo quid paulo antè ue-
næ extensionem & caput, atque fibras appellabas.
BER. Volo quidem uobis dicere quid metallici ita
nominare solent, sed uerbis nouis ut utar necesse est,
quod ista ueteribus satis explicata aut non sint, aut si
maximè sint, non extent. NAE. His tuo modo uta-
ris, nihil nos offendent, res enim ipsas cognoscere per-
cupimus. BER. Quælibet uena per saxa montis in
longum extenditur, quod uenæ extensionem nostros
imitatus appello. Venarum igitur omnium, quantum
in extensione, longe est optima quæ ab oriente in oc-
cidentem extenditur per montis decliue, ita tamen ut
dorsum montis uersus meridiem sit, decliue uerò ipsius
in septentrionem sensim inclinet. Proxima uerò bo-
nitate est, quæ à media aliqua orientis & meridiæ
parte, in mediam rursus occidentis & septentrionis
extenditur, atq; eiusmodi est huius uenæ, quam Stel-
lam uocari dixi. Reliquæ autem quanto plus à dictis
illis recesserint, tanto minus argenti feraces esse so-
lent. NAE. Intellego utcumq; quid uenæ extensio-
nem dicas, quodq; loci situs non parum ad ortum me-
tallorum faciat. Quid uerò caput ipsius uenæ sit, sci-
re etiam cupio. BER. Suam quæq; uena pendentem
& iacentem partem habet, utar posthac pace ue-
stra his uerbis: Iacens est in quam uena ueluti recum-
bit. Pendens uerò, quæ uelut tegumentum uenæ sur-
sum in-

sum incumbit. Itaq; uenæ caput semper ex iacente ipsius iudicandum erit. Verbi gratia: Iacens uenæ uersus septentrionem est, totius item uenæ caput uersus septentrionem erit. Sed ista sat scio difficilia nunc uobis uidentur, quibus si assueti fueritis, erunt facillima.

NAE. Mihi certe multum implicata esse apparent. Sed quas fibras dicis. BER. Dicam & hoc quod melius uos intelligeris, quos humani corporis sectionem persæpe uidisse credo. Vt animantis corpus uenas quasdam habet magnas, à quibus uenulæ, perinde ac è trunco arboris oriuntur rami, deriuari solent. Sic uenæ metallicæ suas etiam habent, siue uenulas, siue fibras appellare uelis, atque eas diuersas. Aliæ enim transuersæ sunt, aliæ obliquæ, aliæ paulatim se uenis ipsis iungunt, aliæ eisdem incumbunt. Sed iam ad Apollinis casam peruenimus. AN. Ingrediamur. BER. Vide nunc æs, quod sine excoctione tale est. NAE. Vbi? BER. Accede propius, & ad me inspicere. NAE. Virgulæ studio & arte inter se implicatæ uidentur, certe nisi saxi pars adhæreret uix crederem ita è uena excisum. BER. Cernas etiam ut bractæ eius tenuissimæ saxi genus quoddam amplectuntur. NAE. Video eadem ratione qua auri & argenti. AN. Valeat Albertus isto etiam loco. BER. Sic quoq; argentum uiuum sui coloris sine excoctione inuenies aliquando intra metalla in lacubus, in quos è fibris effluxit, quod Plinius cognouit, scribit enim: Est & lapis in ijs uenis, cuius uomica liquoris æterni, argentum uiuum appellatur. Solet idem id quod natura sua ui et sponte creauit, argentum uiuum, quod ars è minio siue uena minij confecit hydrargyrū nominare. NAE.

Novi atq; ob id à Leonicensi viro doctissimo iure reprehenditur. Nam tam nativum quàm factitium Græci ἄργυρον, latini argentum vivum appellant.

BER. Tu audes ista loqui? non times Collenucium?

NAE. Neq; is ausus fuit hac parte Plinium, quem in multis alijs acerrime conatus est, defendere. Sed profectò nobis omnibus Collenucius aliquis timendus est, qui consensimus Plinium multa in metallis ignorasse.

BER. Pugnet aliquis quantum velit, veritas ipsa, quæ potior Plinio est, nos defendet. Sed ferri quoq; massæ puri & grana quædam parva, quod Albertus novit reperiri certum est. Verum hæc tria aurum, argentum, æs, præterquam quod statim sua sunt, è diversa materia excoquuntur. Plumbum autem nigrum, quod Græci μόλυβδος vocant è Galena & pyrite, ut candidum quod idem κασσίτερος è nigris lapillis paulum candore, ut Plinius ait, variatis, conflari novimus. At pura in venis inveniri nunquam neq; vidimus, neq; audiimus. NAE. Quod tu modo plumbum candidum, hodie tam docti quàm indocti stannum appellant. BER. Quàm latine & proprie viderint ipsi, mihi certe stannum aliud quiddam videtur esse. NAE. Tua Plinij sententia firmare posses. BER. Aliorum etiam, qui mecum faciunt. Sed de his aliàs plura dicemus. Lapilli autem nigri è quibus plumbum album conficitur, insignis magnitudinis Slachenbaldi & Irberesdorfi, quod non longè Næui à patria tua situm est, reperiuntur quos te credo vidisse. NAE. Memini me videre. BER. Quemadmodum uerò in dictis locis maximi, quos conspiceri mihi licuit

licuit reperiuntur, sic alibi nonnunquam ita parui ut
harena esse appareat. Sunt uero in mixtura quæ hoc
modo se habere solet. Pyrites & saxi genus quoddam
arenosum simul cum lapillis nigris ita plerumque com-
mixta sunt, ut quodque genus sensu oculorum statim
possis distinguere, licet interdum uidentur multum in-
ter se confusa. Quam mixturam ut lapillos nigros se-
parent, torrent, tundunt, molunt, lauant, urunt, atque
uix tandem ex ipsis plumbum candidum excoquunt,
& certe, si quod aliud, hoc metallum multa præpara-
tione indiget. NAE. Eiusmodi omnia cum mihi ad
patriam proxime accedere licebit, diligentius quam
hactenus considerabo. AN. Breui iter per Irberese
dorsum faciam, utinam tunc aliquis mihi continge-
ret, qui ipsa posset indicare. BER. Permulti pos-
sunt. Sed ut latine res ipsæ dicantur uobis consideran-
dum erit. AN. Eas primò qua potero diligentia in-
quiram, deinde cum ad te rediero de nominibus dispu-
tabimus. Sed quia iam dixisti aurum, argentum, æs,
ferrum, præterquam quod sui coloris & pura in ue-
nis reperiantur, è diuersa materia excoqui posse, ip-
sam, etsi hîc indicare non possis, ut recenseas rogo.
Proderit enim non parum, cum olim eorum metalla
inuisemus, hæc ipsa ex te audiuisse. BER. Non ag-
grediar ad ea quæ hîc non reperiuntur, ut latius uo-
gando ne errem. Nam nostra uix mihi satis cognita
& perspecta sunt. AN. Amabo te, ne grauate in is-
ta re meæ morem geras uoluntati, noui enim hæc ti-
bi minime esse ignota. BER. Si ita tibi uidetur dicam
aliqua. Auri puri massas, quas palacas Hispani dicunt,
reperiri cum in fluminibus, tum in ipsis puteis Strabo
& Plin

Et Plinius, quod uobis ignotum non est, asserunt.
 Eiusdem scintillæ quasi ad saxi quoddam genus can-
 didissimum, quarzum nostri uocant, adhærescit, id
 Cotteneheidæ foditur, quod te Næuium uidisse au-
 dio. Præterea è pyrite quem Galenæ colore asimi-
 lem diximus, Et cineraceo, ut ante quoq; audiui-
 stis, conficitur cum in alijs nostræ Germaniæ locis, tum
 maximè Reichensteini. Postremo terræ genus est
 purpureum ita uapore Et halitu simul temperatum
 Et affectum, ut fecundum auri sit Et facile cognosci
 possit, ex quo in camino aurum excoquitur. Sed è
 Chrysocolle quoq; Et Ceruleo fit. Aes autem purum
 reperitur Et tenuissimæ ipsius bractæ saxa, ut uidi-
 sis, amplectuntur: sed fit è pyrite Gairi, Cuperber-
 gi, Et in alijs locis, è lapidis fissilis quodam genere
 Eislebæ Et uicinis oppidis. Præterea è terræ generi-
 bus luteis Et purpureis chrysocolle Et cæruleo per-
 inde ac aurum conflatur. Ferri puri massæ Et granu-
 la quædam, ut dixi, reperiuntur. Deinde è terra ru-
 bra ferrugine quadam infecta Et nonnullis lapidum
 generibus conficitur. In eadem ferri uena non raro
 Magnetem inueniunt, qui etiam non longe hinc Ei-
 benstoci Et Suarckenbergi, quæ sunt in ditione du-
 cum Saxonie, effoditur. Hæc generatim dicere
 queo, reliqua ab his si uidebitur, quibus notiora
 quàm mihi sunt, cum materiam coràm intueri licebit,
 quæritote. NAB. Fiet, interea tuis contenti erimus,
 igitur perge si quid restat nobis ostendere. BER. Re-
 stant inter cætera argillarum uaria genera, quæ co-
 lores ut hîc uidebitis discernunt. Sunt enim candidæ,
 nigre, luteæ, puniceæ, purpureæ, uirides, ceruleæ,
 cineraceæ.

cineraceæ. NAE. Tenacitas quædam his luteis in-
 est, & fortè sic ipsas quod similes sint his, quibus figu-
 li utuntur, appellas. BER. Recte sentis. NAE. Ex
 ipsis pigmenta fieri posse crediderim. BER. Possent
 si tam humidæ non essent. Sunt uerò terræ genera is-
 psis, quod ad colores attinet nō dissimilia, sed sola sic-
 citate, è quibus conficiuntur colores: quarum quæ
 lutea est $\omega\chi\varsigma\alpha$ Græcis, Latinis Sil appellatur, quæ
 cerulea his caruleum, illis $\nu\acute{\iota}\alpha\nu\omicron\nu$, quæ uiridis utri-
 que genti Chrysocolla, quæ rubea, sandaraca, quæ
 nigra pingitis, quæ candida diuersa nomina habet,
 quæ inuenit partim ex rei diuersitate, partim ex re-
 gionibus, è quibus affertur. NAE. Reperiuntur ne
 ipsa in fodinis nostris. BER. Magna ex parte ni fallor.
 NAE. Quoties ueteres in emplastra conijciūt
 Chrysocollam, Ochram, Cæruleum, terram Lemni-
 am, & rubricam Sinopida. Nam & has in hoc gene-
 re connumerandas censeo. Quod si apud nos inueni-
 rentur, quàm utiles medicinæ res restituerentur qui-
 uis iudicare potest. BER. Inueniuntur aliqua meo iu-
 dicio, atq; adeo hanc uenam proximè alia quædam,
 quam Paulinam nostri nominant, diuidit, q̄ aliquanto
 duriores materiam habet. Qua de re accedamus ad
 casam demensi secundi, in ipsius enim tumulo nonnul-
 la poterimus inuenire. NAE. Perplacet nobis, modo
 tibi molestum non sit. BER. Mihi uerò molestum es-
 set de his rebus disputare cum medicis, uobis præse-
 rim, quorum tu Næui quantum ex colloquijs nostris
 intelligere potui Græca cum Latinis pariter coniun-
 xisti. Ancon uerò philosophorum, maximè Peripate-
 ticorum decreta, si quis alius tenet. Atq; utinam plus
 temporis

temporis hodie nobis daretur, contemplaremur non modo metallica ipsa, prout se oculis cognoscenda præbent, sed eorum etiam ortum diligentius considerare mus. Nam quod uos minime ignorare credo, magna hac parte inter plerosq; dissensio est, cum & Chymistæ aliud à philosophis sentiant, & inter se ipsi non parum discordent. AN. Ita est, sed nunc species & ipsas rerum formas intueri præstat, quibus cognitis aliàs cum plus ocij nobis erit id ipsum maiori cura & studio inquiremus. NAE. Bene dicis, esset enim de hoc uno metallorum ortu unius diei disputatio. BER. Ascendamus tumulum. Hæc ochra est, siue magis placeat Latinum, Sil. NAE. Lutea prorsus est, & ob id Græci ipsam ita uidentur appellasse. BER. Hac pictores uti possent. Sed quia facticia, quæ è plumbo fit, hodie magis ipsis in usu est: aut si qui fossili utuntur, malunt Dacica, siue mauis Vngarica uti, quod cæteris præstare credatur, nec ita magno precio uendatur, sit ut hæc neglecta iaceat, nec ab aliquo ferè colligatur. NAE. Dioscorides Atticam genere in usu medicinae probat. Verum quia ipsa non affertur hac nostra aut Dacica uteremur in emplastris. BER. Quid ni? Nam Vitruuij temporibus Attica quæ optima fuerat, non habebatur quod argenti metalla iam tum, cum ille scriberet, essent relictæ. NAE. Quia cum Hermolao Barbaro Venetorum doctissimo id quod Græcis ὀχρα est, Latinis Sil esse putas: Sil Plinio limus est, hæc uerò aridior est quàm ut limus dici possit. BER. Quid mirum? cum idem diuersa Silis genera recenscat, inter quæ erat marmorosum, censes ne ipsum quoq; limum fuisse? NAE. Non uidetur. BER.

BER. Nec fuit, quoniam marmor, dicit, in eo resistit amaritudini calcis. Theophrastus terræ genus esse scribit, inuenitur apud nos etiam talis, sed hîc indicare uobis non possum. E pictoribus præterea nostris quidam uel hodie nomine Græco, nostrum annectentes, appellant, intelligis quid dicam. NAE. Intelligo planè. BER. Tu igitur desine dubitare, & uires quibus ochra prædita est nobis dicas. NAE. E Gale no nihil afferre possum. Dioscoridis uobis nota sunt, qui ipsi uim erodendi ascribit, collectiones & panos dissipandi, excrescentias carniū reprimendi, cum cerato caua explendi, comminuendi articulorum tofos. AN. Ego ex Arabibus nihil dicere de ochra possum. BER. Cæruleum hoc est, quod unà cum Chrysocolla lapidi fissili adhæret. NAE. Harenula esse apparet. Theophrastus profectò, qui ex diuina quadam ui eloquentiæ nomen reperit, res bene uidetur cognouisse, cum scribit: Cæruleum est natium quod in se Chrysocollam continet, id quod hîc prorsus cernere licet. BER. Id ipsum non postremæ bonitatis Goldebergi, quod oppidum Silesiæ à monte auri ferace appellatum, colligitur, ex quo etiam aurum fit. Facticij uerò multa admodum sunt genera, & inter ea ualde preciosa quædam. Quorum conficiendi rationem partim ueteres norunt, partim Chymistæ & ipsorum sectatores inuenerunt, quæ omnia recensere nunc nimis longum esset. Illud sæpe miratus sum, quod uestri Catapotia siue pilulas, ut à forma appellare soletis, è facticij quodam genere, quod Chymistis est, conficiunt. NAE. Ego uerò etiam indignor nostris, quod ab errore nondum desistant, quem Leonia

cenus,

cenus, qui nostra ætate inter medicos doctus fuit, satis declarauit. Armenium sumendum esset, quod equidem Venetijs apud unum tantummodo medicamentarium uidi, idq; magni æstimabat. De cuius purgandi ui satis scripsit Aëtius maximè è Nechepsote. AN. Ex Arabibus quidam utriq; purgandi uim adscripserunt. Nam sunt apud Mesuam pilulæ tam è Cæruleo, q̄ ex Armenio. NAE. Esto, hoc tamen Chymistarum cæruleum in eas coniiciendum non esset. Sed hac de re aliàs diligentius & copiosius differemus. BER. Tu igitur nobis Cærulei uires dicas. NAE. Discutiendi uim habet præcipuam, quamuis nonnihil astringat. In emplastris hoc nostro uel alio quodam fossili uterer, pictorib. uerò facticij genera oīa relinquerē. BER. Tecum sentio, sed & pictores interdum fossili utuntur. NAE. Credo, Chrysocola autem ipsa satis uiret. Dioscorides primas tribuit Armeniacæ, secundas Macedonicæ, tertias Cypriæ, uerum ex his locis hodie non aduehitur. BER. Dacica bona est, quamuis & in nostris fodinis, potissimum ærarijs, nō contemnenda colligi possit. NAE. Quæ in his inuenitur, eam Plinius cæteris præfert. Secundum locum argentariæ, tertium aurariæ, postremum plumbariæ adscribit. BER. De facticia, cui idem nomen Plinius & Galenus uester imposuerunt, cum Dioscorides ipsam inter æruginis genera numeret, nihil nunc dicendum puto, nam ea fabri aurarij utuntur. NAE. Medici quoque ut ibidem Galenus satis indicat. Sed hæc fossilis uim discutiendi & exedendi habet, carnem etiam excrescentē coërcet, nec tamen uehementer mordet. AN. Arabes utranq; norunt, erosioni autem

autem dentium & dolori eorum conferre scribunt. Sed præter cæruleum colorem, & uiridem, tertium quiddam candidum, scintillarum modo, in hoc lapide lucet. BER. Est ut dicis, atq; id ipsum Latini, ut opinor, micam appellant, metallici Germani & micam, & felium argentum: sed suæ linguæ nominibus. Argenti quidem, quod colore argento ita simile sit, ut pueros & rerum metallicarum imperitos decipere possit. Felium uero, siue à similitudine quod eorum oculi etiam noctu radiant, siue quod cassum quiddam & inutile hac uoce significare uolunt. Nullum enim utilitatis fructum præbet his, qui uenas excoquunt: quod totum eius corpus ignis consumat. NAE. Natura certe in intimis terræ recessibus se oblectare quasi uidetur pulcherrimis istis coloribus. Nec minus ut equidem sentio, admiranda quàm dum flores, uarie coloribus distinctos gignit. Verum restat, ut nobis Sandaracam & terram nigram ostendas. BER. Plinius Sandaracam inueniri in aurarijs & argentarijs metallis scribit. NAE. Memini. BER. Dioscorides autem cinnabaris colore ipsam esse tradit. NAE. Ne hoc quidem me latet. BER. Iam tale quippiam & in nostris fodinis non raro reperitur, atq; hîc opportune id ipsum uidetis. NAE. Harenula uidetur, sulfuris uero uirus, quod Dioscorides ei tribuit, nõ olet, neq; forte inter ea quæ ignem passa & adusta dicuntur, recte numerari potest, qd igitur dicemus? Theophrastus certe tum ipsam, tum Auripigmentum puluerem esse scriptum reliquit. AN. Arabes lapidi speculari auripigmentum ad crustas respiciētes simile dicunt. BER. Certe nonnihil simile est, nisi quod la-

E

pis spec

pis specularis eam pinguitudinem non habet. Sed quæ
 tu Næui modo dixisti faciunt, ut ipse quoq; hoc loco
 hæream, neque quicquam affirmare ausim. Sed Plinij
 forte Sandaraca erit, quam reperiri in metallis au-
 rarijs & argentarijs, ut diximus, scribit. NAE. Nec
 mirum esset hanc ipsum appellare Sandaracam, quan-
 do idem & Vitruuius id etiam quod fit ex cerussa in
 fictile coniecta, ac super carbonibus quoad colorem
 rubrum duxerit, cremata, Sandaracam ob similitudi-
 nem coloris nominat. BER. Id ipsum Dioscorides
 Sandicem appellari à quibusdam scribit. NAE. Sed
 Plinius Sandicem aliter fieri uult, utpote si adulteri-
 na hæc, quam tamen fossili præfert Vitruuius, Sanda-
 raca torreatur æqua parte rubrica ammixta. BER.
 Nec ego hanc, quam uobis ostendi, uires quas Diosco-
 rides ipsi adscribit, facile crediderim habere, quare
 ipse de sententia decedam. NAE. Itane facile cedis?
 pugnaturi tecum eramus, & quidem acriter. BER.
 Pugnetis licet, non repugnabo. AN. Minime uerò,
 siquidem ferocis & plusquam inhumani est, eum qui
 se supplex ad pedes abiecerit & manus dederit, ultra
 lanceis confodere. Satis nobis est, quod argumentis
 nostris de sententia deductus sis. NAE. Non facis
 Bermannæ id quod nostri facere solent, qui quod se-
 mel statuerint, & si quis ipsum dilucide falsum esse do-
 cuerit, non modo non repudiant, sed sicut caput &
 famam defendunt. BER. At illud nemini qui bonus
 uir haberi & esse uelit, licere puto. Mihi uerò etiam
 non libet, si quàm maximè liceret. NAE. Ex hac
 tua Sandaraca color fieri posset satis gratus. BER.
 Posset, sed quia ex hoc congressu ego saucius disce-
 do, si

do, si adessent qui Sandaracam argentum rude rubrum dicunt, prorsus profligarentur. NAE. Quid dicis? repetas rogo. BER. Dico ut nunc uos à me dissidetis, ita nec me assentiri his qui hæc nuper asserte re cœperunt, Sandaracam hoc argenti rudis genus esse, quod nos rubrum appellauimus, quod ex eo color quo pictores uti possent, non negligendus conficiatur, quod non modo credi, sed omnino dici nō potest. Nulla enim ipsi similitudo cum sandaraca est, cum sit solidum & planè durum, nisi alijs generibus inspersum sit. NAE. Id genus argenti Sandaracam non esse facile mihi persuaseris. BER. Vos diligenter inquirete num Sandaraca illa Dioscoridis in Germania inueniri possit, quæ si inuenta fuerit, non inuitus cedam, quin etiam iam cedo. Modo uulgus medicorum, quod Sandaracam gummi quoddam, ut audio, esse credit, atq; eo ubi Sandaracam scriptum inuenerit, utitur, resipiat, & suo errori renunciât. NAE. Vereor ne eius generis errores permultos in medicina comperias. In causa uerò est, quod maxima ex parte medici nostri, bonos & doctos uiros semper excipio, aded indocti aut peruicaces sunt ut malint patriam prode re, quàm aliquid quod etiam cum detrimento inoleuit mutare. Tuam uerò summopere laudo modestiã, & istius animi ut semper sis rogo. Nam qui rem non satis cognitam quiddam esse affirmare audent, similes furiosis uidentur, qui dicunt aliquid quod prorsus nō sit uideri sibi. Hoc tamen insanis peiores iudices, quod hi quàmprimum relaxantur, & se errasse intelligunt, & fatentur, illi ferè sic sententiæ, quæ semel placuit, addicti sunt, ut eam mordicus, etiamsi aperte cognouerint

uerint falsam, teneant. AN. Mittamus istos, & ad nostra redeamus. Arabes Sandaracam cum Arsenico confundunt, atq; uno nomine utrunq; censent, solo uero colore distinguunt: nec medici solum, sed & Chymistæ. Appellant enim Arsenicum rubrum, quod uos modo Sandaracam, luteum, quod auripigmentum. Auicenna autem album quoq; habet. BER. Ego nunquam legi fossile albo colore esse. Fortè ad alterum facticij genus respexit. Sunt enim duo, ut scitis, quæ Chymistæ conficiunt, unum luteum, alterum album, quæ uenena præsentissima esse perhibent, ac hodie sola arsenici nomine appellant. NAB. In eisdem fodinis in quibus Auripigmentum, Sandaracam nasci Dioscorides scribit. BER. Bene mones. Certe nuper cum ad usum Chymeutices auripigmentum emissem, inueni rubras siue flammeas quasdam glebas. NAB. Id erat deterius Auripigmenti genus, quod pallidius esse aut Sandaracæ colore, atq; ex Ponto & Cappadocia afferri idem scribit, quodq; glandium modo uidetur concreuisse. BER. Concedo, sed fortassis uera Sandaraca nonnunquam inter eas reperiretur. NAB. Diligentius posthac considerabimus. Sed cognoscis ne gypsum & lapidem specularem, cuius ante mentionem fecistis. BER. De fossili gypso quæris? NAB. Planè. Nam Plinius Theophrastum imitatus scribit: Et è terra foditur ut in Cypro, summa tellure. Parum enim terræ fossores auferunt dicit Theophrastus. BER. Reperitur ipsum. Lapis etiam specularis è quo id fieri idem Plinius his uerbis tradit: Omnium autem optimum fieri compertum est è lapide speculari, squamam uetalem habente. NAB. Res narras apud uos inueniri,

inueniri, quæ in medicina & ædificijs usui nobis esse possunt. BER. Reperiuntur autem in aliquot locis, atq; etiam Albis, ubi inundauerit nonnunquam ipsa se cum uehit. Gypsum uulgo uenditur, & suum nomen apud nostros retinet. Lapidem specularem glaciem Mariæ appellant, de quo Plinius his uerbis diligentissimè mihi uidetur scripsisse: Specularis uerò, quoniam & hic lapis nomen obtinet, faciliori multo natura finditur in quamlibet tenues crustas. Hispania hunc olim citerior tantum dabat, nec tota, sed intra centum milia passuum circa Segobricam urbem. Iam & Cypros, & Cappadocia, & Sicilia, & nuper inuentum Aphrica: post ferendos omnes tamen Hispaniæ, & Cappadociæ mollißimis & amplißimæ magnitudinis, sed obscuris. Sunt & in Bononiensi Italiæ parte breues, maculosi, complexu silicis alligati, quorum tamen appareat natura similis eis, qui in Hispania puteis effodiuntur profunda altitudine. Nec non & saxo inclusus sub terra inuenitur, extrahiturq; aut exciditur. Sed maiori parte fossili natura absolutus seamenti modo, nunquam adhuc quinque pedum longitudine amplior. Humorem hunc terræ quidam autumant crystalli modo glaciari, & in lapidem concreasce manifeste apparet, quod cum fræ decidere in puteos tales, & medullæ ex ossibus earum in eadem lapidis natura post unam hyemem figurantur. Inuenitur & niger aliquando, sed candido natura mira, cū sit mollicia nota, perpetiendi solis rigorisq;. Nec senescit, si modo iniuria absit, cum hoc etiam in cementis multorum generum accidat. Inuenire & alium usum in rapientis quoq; circum maximum ludis Circensibus

sternendi, ut sit in commendatione candor. Hæc Plinius de lapide speculari, quibus nihil potest esse clarius. NAE. Nostri eius sententiæ, quæ putat ipsum crystalli modo glaciari esse uidentur, atque inde glaciem Mariæ appellasse. BER. Recte. Inuenitur autem apud nos subniger, qui satis lucidus non est, & candidus, qui maxime translucet. Vnde ex eo fenestras non aliter ac è uitro conficiunt, quales Marsiburgi in templo quodam uetusto cernere licet. AN. Hoc idem scribit Albertus, loco tamen plumbi quo uitra firmantur, ligna leuigata poni dicit. BER. Ita est. AN. Scribit præterea magnam eius copiam in Germania se uidisse, ut plaustra inde oncrari possent. Deinde in Gallia unà cum gypso inueniri ait, ut sit summum quiddam gypsi. BER. Recte Albertus. Sed ipsum nucis auellanæ quantitate nostri cum è dysenteria laborant, conterere solent ac in uinum austerum coniicientes epotare, atque ita multi à morbo liberantur. AN. Quanquam cognationem cum gypso habere uidetur, tamen eo etiam Arabes tum sanguinis spiritum cohibent, tum menses sistunt, tum denique dysenteriam curant. NAE. Dioscorides quidem sanguinis profluvia gypsum compescere tradit, sed potum strangulatione perimere, nec Galenus in potione dedisse uidetur, sed emplastrum ex ipso & albo oui, poline tritici, atque pilis leporinis cōficere docet, quod sanguinem suppressit. BER. Securius igitur lapis specularis ex uino bibitur. Nam nemini hætenus ipsum nocuisse multis profuisse audiui & uidi. NAE. Experiemur olim. Sed quia minium rubri, ut Sandaraca, coloris est, inueniturne ut Plinius scripsit, in argenta
rijs me

rijs metallis? BER. In Germania in his inueniri non scio, sed suam uenam habet. NAE. Cognoscis ne id ipsum, quod tanti precij apud Romanos fuit? BER. Cognosco, & credo me hic habere. NAE. Habesne uenam minij, ostende eam nobis obsecro. BER. Videte. NAE. Plinius nunc uenam minij, nunc minium appellat. BER. Lapidem etiam. Atq; hic, ut uides, lapidis fissilis generi ita adhæret, ut innatum uideri possit. NAE. Vbi nam lapidem nominat? BER. His uerbis, quæ ante quoq; dixi. Est & lapis in ijs uenis, cuius uomica liquoris æterni argentum uiuum appellatur. Vitruuius autem Anthracem dici scribit, & bene sanè, nam prunæ uena similis est. Quod si uobis molestum non est uerba ipsius, quæ me credo memoria tenere dicam. NAE. Minime. BER. Ingrediar nunc minij rationes explicare, id autem agris Ephesiorum Cilbianis primum memoratur esse inuentum, cuius & res & ratio satis magnas habet admirationes. Foditur enim gleba, quæ ἄνθραξ dicitur antequam tractationibus ad minium perueniat. Vena uti ferreo magis subruffo colore, habens circa se rubrum pulcrem. Cum id foditur, ex plagis ferramentorum crebras emittit lacrymas argenti uiui, quæ à fossoribus statim colliguntur. Hæc Vitruuius. NAE. Multas certe res ob coloris similitudinē ἄνθρακας Græci nominarunt. Nam minij uenam, ut uerba Vitruuij declarant, gemmam nobilissimam, quam Plinius inde Carbunculum, uulgius eius genus, longe præstans omnibus rubore & fulgore, Rubinum uocat, Terræ genus, cuius scriptores rei rusticæ mentionē fecerunt. Præterea quartum quiddam, quod Theophrastus

E 4

his

his uerbis exposuit. Quos autem mox carbones uocant in eorum numero, quæ propter usum fodiuntur, habendi, terreni sunt. Exuruntur autem & igni accenduntur quemadmodum carbones. Sunt uerò circa Liguriam, ubi & electrum, atq; in Elide quæ itur ad Olympia, ea quæ per montem est uia, quibus & ærarij utuntur. BER. Non exprimit colorem? NAE. Non, ego carbonis esse crediderim. BER. Extinctiæne an ardentis? NAE. Nescio quid ita rogas? BER. Quia genus quoddam reperitur sic terræ calore excoctum, ut atrum & leue sit perinde ac carbo, attamen pingue, quo fabri ferrarij multis iam annis per totam ferè Misenam, carbonum loco utuntur. NAE. Sentio tecum, & quod Græci tam carbones quàm prunas ἄνθρακες appellant, & quod dicis nostros fabros ferrarios, ut Theophrastus ærarios, ipsis uti. Sed quo nam loco fodiuntur? BER. In monte quodam, qui inde nomen habet, prope Zuiccam sito. NAE. Urbemne illam ad Muldam? BER. Eam ipsam, quam cum olim à ciuibus suis ob crebras inundationes desertam Henricus imperator illius nominis tertius, uidisset, ciues instaurare & mœnia eius ampliora facere iussit. Sed altero anno rediens cum urbē strictiorem, quàm fieri iusserat conspiceret, indignatus Saxonico sermone, quo utebatur, in hanc sententiam dixisse fertur: Urbem concidistis, atq; hinc, ut in quibusdam annalibus Ciccensibus legitur, sic appellata fuit, cum antea Suansfeldia ipsi nomen esset, ad quod sanè Erasmus Stella, qui celebris nostra ætate medicus fuit, mihi uidetur respexisse, quando ipsam Cycnæam appellauit. NAE. Ibi magistratum gerit

rit Laurentius Vrsifalius, quem doctum & ex philosophia nobilem & clarum Lutetiæ nobis remiserunt.

BER. Noui uirum optimum. Sed horum carbonum fodinæ cum nobis adhuc pueris accensæ essent, mons non aliter ac olim Aetna aut Vesuius arsit atq; flammæ euomuit, ut urbi etiam, quæ tamen ad tertium fermè lapidem abest, timorem incuteret. AN. Audiui ea de re. NAE. Ego carbones sæpe uidi. Nostri etiam ita appellant adiecto lapidis nomine, quasi dicas Græce λιθάνθρακας. Theophrastus uerò τρώδεις dicit, & melius forte quia ita leues sunt ut aquæ innatent, quod uidetur terræ esse excoctæ & raræ.

BER. λιθώδεις igitur dicerentur potius, qui in Leodiensi agro fodiuntur satis graues. Miror uerò Plinium hæc, quæ tu modo retulisti, ex Theophrasto non excerpisse. NAE. Nec minus ego, sed dimittamus atrum colorem, quo lugentes uti conuenit, & redeamus ad rubrum, quo Romani triumphantes, & Aethiopes dies festos agentes usi sunt. BER. Ad idē uel hodie Aethiopes inter cætera minium facticium, ut mercatores narrant, expetunt. Tingunt enim hoc ipso faciem, uel, ut Plinius, se totos procures. NAE. Quo modo uerò minium à Sandaraca differt? utrumq; enim rubet. BER. Hoc, quod ex minio, siue iam elaborato, siue rudi, quod & Plinius nouit, conficiatur argentum uiuum, quod è Sandaraca fieri non potest. Imò dum lauatur uena minij, ut postea teratur, quum primum humorem hauserit pars ipsius in argentum uiuum mutatur, quod ego nuper expertus sum. Id rursum siccatum & contritum redit ad suum colorem. NAE. Quam rationem minij conficiendi sequeris?

E 5

BER.

BER. Eam quam Plinius his uerbis explicat. Optimum uerò supra Ephesum Cilbianis agris, harenam cocci colorem habere, hanc teri, dein lauari farinam, & quod subsidat iterum lauari. Differentiam artis esse quod alij minium faciant prima lotura, apud alios id esse dilutius, sequentis autem loturae optimum.

NAE. Hæc minij Ephesij quod ex harena quadam rubra primus Callias fecit, conficiendi ratio est, quam Plinius è Theophrasto, ut multa alia transcripsit. Natium uerò, sic potius appellare mihi placet, quoniam factitium, quia & Theophrastus αὐτοφύεος dicit, quod tu picturae gratia conficis, tum Dioscorides, tum Vitruuius præter loturas coqui in fornace scribunt. Plinius quoque inquit, Sisaponensibus autem miniarijs sua uenæ harena sine argento excoquitur. & tuum coqueres, crederem purius omnino futurum.

BER. Non coxi hactenus, & tamen optimi coloris fuit, quod tibi nihil mirum uidebitur, si aliquando, quod facile poteris, purissimum in nostris miniarijs metallis conspicias. Timui certe, ne uasis in quibus coqueretur apertis, aliqua eius pars propter uim ignis euolaret: obstructis, totum in argentum uiuum, quod hic fieri nolumus, uerteretur. Experiar tamen olim quia ueteres sic fecisse constet. NAE. Lento igne coques. Sed quo nam loco sunt miniaria metalla? BER. Non procul hinc Schonbachij, quod est ad Egram, sub ditione comitis Alberti Sliconis, qui nepos est Casparis illius clarissimi uiri, cuius Aeneas Syluius sæpe mentionem fecit, atque is ipse Slico trium Imperatorum à libellis fuit. NAE. Sed aliud nunc memoria repetito, quod etiam literis est proditum. BER. Quid est?

NAE.

NAE. Illigas ne faciem laxis uesticis, ne in respirando, utar Plinij uerbis, exitialem puluerem trahas?

BER. Huc usque parum confeci, nec uesticis usus sum. Sed profectò hæc illigandi ratio salutaris esset nostris qui in aridis fodinis laborant. Nam hi hausto puluere difficultate anhelitus & tabe pereunt, maximè in Dacicis metallis, quæ nostri etiam fodiunt, ut ibi mulierem inuenias, quæ septem nupserit uiris, quibus omnibus ista tabe confectis, mors immatura accidit.

AN. Quid in causa est, quod hodie uerum minium ignoramus? cum olim magni usus fuerit, & nunc esse possit in pictura?

BER. Hæc potissimum quod Chymistæ facticium in ipsius locum substituerunt, quod ex argento uiuo & sulfure conficiunt. Ego malim uti natiuo, nam pulcerrimum illum ruborem sulfuris fæditate nonnihil corrumpi arbitror. Appellant uerò facticium Cinnabarim. NAE. E Græcis quidam, inter quos est Theophrastus, etiam uerum illud minium non ἀμμίον, sed κιννάβαρι ob coloris similitudinem nominant.

BER. Dioscorides scribit falso quosdam existimasse minio eandem Cinnabarim esse. Vidistine ueram Cinnabarim? NAE. Vidi Venetijs duplex genus eius quod sanguinem draconis uocant, alterum ita rubebat, ut Sandaraca uel minium. erant uerò glebæ quædam non perinde magnæ, quod ueram Cinnabarim cum Leoniceno esse credo. Nam tam pictores, quàm medici ipsa utuntur, quod in picturis proprie sanguinem, ut Plinius ait, reddat, & antidotis medicamentisq; utilissima sit. Præterea non minus chare quàm olim uenditur. Alterum atrum in globi figuram formatum, compressi tamen & non asurgentis,

surgentis, quod adulterinum dubio procul est, cuius rei indicium nimis lentor. Videntur enim gummi quaedam admixta uerae Cinnabari, cuius adhuc aliquas particulas conspiciere licet, id ubique medicamentarij pro uera uendunt harum rerum ignaris. BER. Scisne quid uera illa Cinnaberis sit? NAE. Variæ sunt sententiæ. Plinius dicit esse saniem draconis elisi elephantorum morientium pondere, permixto utriusque animalis sanguine, cui Solinus assentitur. Contrà, medicorum chorus fortiter reclamat, asserens commentum esse mercatorum. Leonicens autem metallicum quiddam esse censet, nec uideo quo alio argumento quàm quod eius mentio inter metalla facta sit, cum ipse Dioscorides quid non sit, dicat. Quid uerò sit, tanquam non satis cognitum, taceat. Arabes uerò succum esse, ut tu Ancon optime nosti, uolunt, & Serapio quidem Sideritidis Achillææ. Quod si uerum esset, Dioscorides, qui eam herbam diligenter descripsit, ut Leonicens uideretur, non tacuisset. Ego cum loquor de re cuius ortus locum nec ipse uidi, nec aliquid certi de eo accepi malo sustinere assensionem, quod Dioscoridem, Galenum, & alios fecisse uideo, potiusquam aliquid dicere, quod posterius ueritate comperta, merito irrideant. BER. Probe facis. Sed dic Ancon, cui sententiæ tu assentires. AN. Arabum. Succum enim esse siue lacrymam arboris gustus ipse indicat, & mercator quidam, cui si lubet credite, mihi retulit in Lybia & finitimis regionibus arborem à se uisam satis proceram, ex qua sanguis draconis manaret, perinde atque in Rhetis è larice resina, quam medicamentarij etiam Itali pro Terebinthi resina uendunt.

NAE.

NAE. Veræ Terebinthinæ paruum massam presam magis quàm altam Venetijs uidi Mastiche Chia colore similimam. BER. Posidonius scripsit in Gadibus esse arborē, ex cuius ramo defracto lac effluat: ex radice scissa, succus rubricæ colore. quid si eadem esset illa Lybica, & hæc Gaditana? NAE. In id genus stirpes inquirant Hispani. nos redeamus ad metallica. BER. Non exigitis à me, opinor, ut iam uobis dicam, quomodo minium adulterinum, non illud dico quod Cinnabarim appellant, sed quod hodie solum minij nomen retinet, è plumbo conficiatur, & tertium genus quod fit in argentarijs & plumbarijs metallis exusto lapide quodam in uenis reperto, de quo Plinius scripsit. Nam hæc alio tempore longè commodius dicentur. NAE. Omittamus igitur ipsa, & pergamus. Rubricane in Germania reperitur? BER. Fabrilis, quæ fossilis apud nos est, & ex ochra usta fit quod Theophrastus & Dioscorides scripserunt. Plinius uerò negligentia quadam inuertit. Sed reperitur inter natiuas insignis quædam, de qua aliàs dicendum erit. Tu nunc si quid de Sinopide habes, dicas. NAE. Dioscorides, ut scitis, rubricam Sinopicen eligit eam quæ densa est, grauis, iocinoris colore, non calculosa, sibi concolor, & copiosè cum diluitur se diffundens, qualem mihi Baptista Opizo Venetijs ostendit, & dedit è Bizantio aduectam. Non autem erat in pastillos redacta, quemadmodum Manardus ipsam à se uisam scribit, sed glebæ quædam erant. Pastillos præterea ibidem uidi, ex eadem urbe portatos coloris ferè fului, & literis Turcicis signatos, quos ob id terram sigillatam appellant. quinetiam Lemnia illa terra olim

ra olim imagine caprae signabatur. Certe Lemnus insula in qua fodiebatur, non longè à Thracia abest, & in eam Turca etiam imperium obtinet, quare facile Bizantium portari posset. Quod si color minus quàm debet rubricæ uidetur conuenire, cogitemus ipsum cum terra diluitur, ut in pastillos cogatur, nona nihil posse mutari, deinde profundius fodi, atq; ita minus calore aduri. Turcae eam unicui pestis remediū esse asserentes, ita magni aestimant ut alter alteri muneri loco ipsam donet, id quod mihi retulit Ambrosius Fibianus amicus noster, uir sanè probus & factus, qui cum proximo anno Bizantium nauigasset ad inquirendum, Stephanus Slico à Turcisne captus, an in prælio occisus esset, aliquot illius pastillos secum attulit, qui Venetijs etiam paucis cogniti care uenduntur. AN. Arabes maximam uim pestis curandæ adscribunt glebæ Armeniae. NAE. Id ipsum ex sententia Galeni, qui ita de terra Armenia scribit: In hac magna peste quæ similis fuit ei, quæ Thucydidis tempore grassata est, omnes qui hoc medicamen biberūt, breui curati sunt. Quibus autem nihil profuit, omnes mortui sunt, nec aliquo alio medicamine curari potuerunt. Ex quo perspicuum est, quod solum desperatis nihil profuit. Bibitur uerò cum uino tenui, modice mixto, si sine febre fuerit homo, aut parum febrierit: cū aquoso autem, si multum febrierit. Nec tamen pestilentes ipsæ febres uehementer calent. Hæc Galenus, qui colore pallidam esse tradit. Quare nec ipsa multum huic terræ sigillatæ dissimilis est, nisi quod sigillum ei impressum fuisse nusquam legatur. Vtra tandem fuerit non magni referre puto, easdem enim penè ui-

nè vires habere scribuntur. BER. Bizantij inquis
rendum esset an è Lemno adueheretur an ex Arme-
nia Sinopen, atque inde in Thraciam deportaretur.
NAE. Turcarum rabies in caussa est, quod pauci Bi-
zantium nauigent. BER. Spero Deum optimum ma-
ximum eam mentem daturum duobus nobilissimis &
potentissimis fratribus Carolo Imperatori, & Fer-
dinando regi, ut rebus cum Francisco Galliarum re-
ge compositis omnem belli motum in Turcam uer-
tant, quo ex Europa expulso tam facile nobis erit per
Danubium in pontum delabi, atque inde quolibet na-
uigare, quàm equites in Italiam ire. NAE. Non du-
bito futurum, Christiani modo principes concordēs
sint. BER. Principum esset inteream mercatores insti-
gare, imò ipsis imperare, ut illas, de quibus nunc dixi-
sti, ad nos afferrent. Quæ etsi primo magno precio
uenderentur, postea tamen cum plures eandem mate-
riam adueherent, facilè precium, ut fieri solet, decre-
scret. NAE. Vereor mi Bermanne ne principes mo-
lestissimis & turbulentissimis his temporibus occupa-
tiores sint quàm ut de huiusmodi rebus cogitare
possint. BER. Fateor, sed medici quos magno sumtu
fouent, quosque uoletudinis ipsorum curam imprimis
gerere oportet, eos monerent. NAE. Bene dicis, at
maiorē partem omnibus istis aut nihil præter lucrū
dulce est: aut si quid præterea curant, contorta quæ-
dam sophismata malunt nectere, potiusquam materiā
synceram, qua feliciter morbis mederi possent, con-
quirere. Committunt uerò harum rerum curam medi-
camentarijs indoctis: atq; ita illorum negligentia &
peruersitate, horum inertia & inscitia sit, ut non mo-
do hæc

do hæc terrarum genera uera non habeamus, sed etiam in herbis neq; dictamnium, neq; melilotum, neque scordium, ac pleraque alia quibus frequentissime uti consueuimus. Quid quod multorum, quæ ueteres summis ob præstantes uires laudibus extulerunt, usus ita planè periit, ut uix per somnium eorum recordemur? Nihil opus est aliò diuertere, respiciamus ad ea solū, quæ tu nunc nobis ostendisti. Cui iam multis annis atque adeo seculis nota fuit molybdæna? cui pyrites? quotusquisq; Chrysocollam cognoscebat? aut ochrā? aut minium, cum tamen ipsa non raro suum in medendo habeant locum? Sed quod peius est, plerique ipsorum non solum talia non curant, sed eos etiam qui curant irridere solent, simplices esse dicentes qui student simplicibus. BER. Eant in malam crucem isti. AN. Merito. Quis enim unquam accepto luto è uia, lignis marcidis, lapidibus mollibus & harenosis ædificium firmum & stabile extruxit? calx requiritur quàm optima, ligna electa & suo tempore cæsa, saxa durissima, ut fundamentum & artificium taceam. Stulti igitur nostri mihi uidentur, qui ex uilissima & nullarum uirium materia medicamentum aliquod efficax se conficere posse sperant. Opus est medicinis lectissimis nec minus conficiendi artificiosa ratione & diligenti. BER. Vos igitur contemtis istis medicis pergite ut cæpistis, res quibus indigetis diligenter inquirere. NAE. Faciemus idq; exemplo Galeni medici omnium præstantissimi, qui nauigauit in Lemnū, ut quantum sanguinis hircini, quod Dioscorides fieri scripserat, terræ illi misceretur, intelligeret atque ex eo conijceret uires. Qui in Cyprum se contulit, ut ibi
metalla

metalla conspiceret. Qui deniq; profectus est in Cæ-
 len Syriam, quæ Palestinæ pars est, ut Bitumen &
 quædam alia uideret. Valeant igitur isti, & latrent
 quantum uelint. Sed potesne terram nigram nobis in-
 dicare? BER. Nostram quæ eruitur è proxima fo-
 dina, cui Aries nomen, & ipsi uicina quæ Scurus ap-
 pellatur. AN. Eamus ergo ad eam uisendam. BER.
 Eamus ocius, parum enim diei superest. Hæc est no-
 stra terra nigra, non tamen pnigitis. NAE. Vere ita
 appellas, nam nigerrima est. BER. Ipsa interdum
 argenti aliquid in se continet, tūmq; argentum rude
 nigrum appellari diximus. Quæ uerò melanteria dia-
 cta fossilis in Cilicia & alijs quibusdam locis reperi-
 tur coloris, ut Dioscorides dicit, sulfurei, aquæ conta-
 ctu nigrescens, apud nos, quod sciam non est. Terræ
 autem albæ genera sicca perraro in metallis reperiun-
 tur, sed suis locis effodiuntur unde et nomina habent.
 Argillæ uerò candidæ sæpe, quæ siccata aliquem in
 pictura usum præbere possent. Est prætera quiddam
 aliud in uenis candidum medullam referens, quod no-
 stri idcirco medullam saxi uidentur appellasse, quod
 hic conspiciere licet. NAE. Videtur esse medulla os-
 sis alicuius animantis. Non ineptè lapides oraculo
 Delphico, ossa matris dicti sunt, cum medulla in ipsis,
 quemadmodum in ossibus reperiatur. BER. Fluida
 ferè est, nec sic tenacis pinguitudinis ut argilla, quan-
 quam interdum exiccata & dura inuenitur. Sed re-
 grediamur, si placet, nam alia uobis indicabo. NAE.
 Interea temporis dum breue hoc iter perficimus, di-
 cas rogo, reperiturne Stibi in fodinis metallicis?
 BER. In his argentarijs reperiri non scio, sed Persi-
 F branæ,

brance, ita interdum est cum argento permistum, ut non nisi ui ignis separetur. In proprijs uerò uenis per magna ipsius copia est, cum in alijs locis tum Fichtenbergi, in quo monte hi fluuij Mænus, Sala, Egra, Nabus oriuntur, & Planæ oppido Boëmiæ, quod ad quadragesimum lapidem hinc distat. NAE. Non ergo aliundè petendum est. Præ omnibus autem uidere cuperem Chalcitida quæ æris, Mysi quod auri, Sory quod Melanteriæ ferè colore esse traditur, quod ipsi Galenus frequentissimè in emplastris utatur, nec minus alij ueteres: erant uerò olim in Cypro laudatissima. BER. In ærarijs puto metallis. NAE. Recte. BER. In argentarijs ipsa non uidi, fortè & in nostris ærarijs inuenirentur, cum proximè in patriam meam rediero omni diligentia scrutabor. NAE. Illud uobis dicam. Venetijs atramentum sutorium Cypriū, reliquis enim præfertur, emi, quod aliqua ex parte in Mysi mutatum fuit, idq; uel hodie domi meæ habeo, quod tibi Bermanno breui mittam. Illa enim mutatione uisa, facile ipsum in metallis nostris ærarijs, si modo in his est, inuenies. BER. Facies mihi rem gratam. NAE. Nec tamen sum nescius, Galenum scribere de atramento sutorio, huius medicamenti permultum mecum è Cypro attuli, cuius pars exterior post uiginti ferè annos Chalcitis facta fuit, cum interior adhuc sit atramentum sutorium. Quapropter in hunc diem adseruo id ipsum, quod ita mutatur, obseruans quomodo in imum hæc transmutatio singulis annis procedat, ut Chalcitidis in Mysi, ut dictum est. BER. Mit-
tus rogo. sed iam propè Gairicam uenam sumus. AN.
Vnde hæc nomen reperit? BER. Ex oppidanis Gairi,
ri,

ri, qui primi inuentores fuerunt, quique partes quam plurimas in capite fodinarum huius uenæ habuerunt.

AN. Quid caput fodinarum appellas? BER. Quæ parte primo uena detegitur, caput fodinarum nominis. Nam ab eo, ueluti ab initio quodam, metallici reliquas areas tam supernas quam infernas metiri solent.

AN. Quæ longitudo capitis est? BER. Duas & quadraginta orgyas complectitur. Demensum uerò quodq; octo & uiginti, deducta tertia parte. Quæ capiti in gratiam primi inuentoris adiecta uidetur fuisse, ut hoc quasi præmio reliqui metallici ad nouas uenas perquirendas instigarentur, atque is ferè semper modus fodinarum esse solet. Ingrediamur nunc casam.

AN. Fiat. BER. Huius fodinæ cura mihi commissæ est.

AN. Quod est officium tuum? BER. Singula quæ uel ex symbolis, uel effoßis metallis recipiuntur, aut in fodinam & operarios expenduntur, in tabulas accepti & expensi referre, ac de his omnibus magistro metallicorum & duum uiris iuratis rationem reddere. Posses autem in eiusmodi officio constitutum præfectum rationibus appellare. Sunt uerò uaria officia inter metallicos, sunt leges & decreta. Quid plura? Respublica quædam ipsis est bene constituta. Sed egrediar & uocabo præsidem fodinæ, qui in proximo hoc domicilio habitat, ut quædam nondum uobis uisa afferat. NAE. Postquam ille exiuit dicam Ancon quod sentio, nihil mihi in uita gratius facere potuisses, quam quod huius amicitiam mihi conciliaueris. Non possum non uehementer admirari, uel potius multum amare uirum, qui tanto studio & diligentia res ipsas, non nomina tantum, quod pleriq; fa-

cere solent, inquit. Qui quæ uerè inuenta dicere posses, non temere asserit, tātum abest ut rem ullam, quæ dubia & incerta sit, nimis etiam affirmet. Qui deniq; quod omnium maxime miror, ea quæ magno labore inuenit, alijs faciliè & diligentissimè explanat, ac minime, qui non paucis mos est pessimus, inuidia quadam tanquam mysteria & arcana celat.

AN. Recte dicis. Nam & mihi studio ueri inueniendi etiam ardere uidetur, neque quicquam nisi certa eius indicia sint, asseuerare. Præterea animo quàm maxime candido esse. Sed reuertitur nunc, ac nescio quid noui apportat. Quid hoc uerò est Bermannæ? BER. Lapides sunt gemmarum similes, sed minus duri, fluores, liceat mihi uerbum è uerbo exprimere, nostri metallici appellant, nec meo iudicio inepte: siquidem ignis calore, ut glacies solis, liquecunt & fluunt. uarij autem & iucundi colores eis insident. NAE. Hos Theophrastus ἐκ συρροῆς, id est confluxu in terra fieri diceret. Rubri isti fluores, utar nunc uerbis tuis, sunt argentum rude rubrum, quod ante nobis indicasti. BER. Primo quidem aspectu ita uidetur, non tamen sunt, quanquam translucidi non raro existant. NAE. Carbunculi ergo sunt. BER. Ne hi quidem. NAE. Quomodo ergo à Carbunculis internosci possunt? BER. Hac potissimum nota, quod perspicui languidius refulgeant. Qui uerò non translucent, uel eo ipso à carbunculis distinguuntur. Præterea omnis generis fluores quàm primum ignem senserint, diffluunt, Carbunculi igni non liquecunt. NAE. Bene discernis. BER. Aliud genus uidete colore purpureo dilutiori. NAE. Amethysti uidentur esse uiliores, quales

quales in Boëmia plerisque in locis reperiuntur. BER. Certe non multum dissimiles eis sunt, quare uulgo, quod non bene Amethystos nouit, pro gemmis annulis inserti facile uendi possunt, et uenduntur. Tertium genus, ut hinc cernitis, colore est candido. NAE. Crystallos crediderim. BER. Quartum lutei coloris est, quintum cineracei, sextum subnigri. AN. Quis uero usus fluorum est? BER. Dum metalla excoquuntur adhiberi solent, reddunt enim materiam in igne non paulo fluidiorem, perinde ac lapidis genus, quod est pyrite confici diximus: conficitur uero non longe hinc Breitenbronn, quod prope Suarcebergum est. Ex fluoribus præterea colores, quibus pictores utuntur fieri possunt. Sed descendamus rursum, proxime fodina est cui nomen Verona, ibi uobis Cobaltum ostendam. NAE. Illudne cuius dum de pyrite loqueremur mentionem fecisti? BER. Id ipsum. Ancon nunc ita præcurrit, ut ipsum uix assequi possimus, qui tamen cum ascenderemus montem tardus admodum erat. Contra quam generosi equi facere solent, qui festinanter ascendunt, pedetentim uero descendunt. NAE. Crassus est, atque ob id grauis. Grauiam autem sua uis et sua natura deorsum feruntur, quamobrem nihil mirum. AN. Profecto si isti montes sæpius scandendi essent, multum mihi pinguitudinis sudore adimeretur. BER. Hic tumulus est fodina ipsa egestus est. NAE. Mons est. certe quemadmodum Poëta ferunt, Gygantes Ossam Pelio imposuisse, ut ascendentes Iouem de cælo deturbarent, ita metallici montem monti imponunt, ut alterius fratris, nempe Plutonis aulam expugnent. Iam et fulmina ipsis ti-

menda sunt. BER. Imò pestilens aura quam miserandum in modum pereunt, aut ruinæ quibus penitius quàm Gigantes obruuntur, sed ascendamus. AN. Iterum mihi sudandum est. BER. Hoc genus metallici Cobaltum, liceat mihi nunc nostris uti, uocant: Græci uerò Cadmiam. Succum autem ex quibus pyrites & argentum fiunt, uidentur concreuisse in unum corpus: atque ita id natum esse, quod Cobaltum appellant. Sunt qui idem cum pyrite esse censent, quod eadem ferre insint. Sunt qui specie, quod mihi placet, distinguunt. Nam insignem persæpe corrodingi uim habet, ut manus & pedes operariorum, nisi bene sibi caueant, exedat, quod pyriten efficere posse non scimus. Tria autem eius genera colore potius quàm alia quapiam re distincta reperiuntur. Nigrum, cinereum, & quod ferri colore est, quodcunque ex his fuerit plerumque argento magis quàm pyrites abundat. AN. Varia genera saxi hoc loco conspicio. BER. Omnino. Atque hinc primum uidetur saxum fissile colore quasi cæruleo, quod aliquando nigrius, aliquando albidius esse solet. Alterum genus hoc est, quod interdum perspicuum uidetur esse, quarzum nostri uocant, modo candidissimum, modo subluteum, modo subcæsum. Tertium spatium appellant, quod politius & densius est. Quartum ut plurimum longe durissimum est, quod ex cornu cuius colorem non raro referre uidetur, nominatum, Latini silicem appellant. Partes autem eius sæpe adeo continuatae sunt, ut unam ab altera uisus discernere non possit, aliqua intersectione conspecta. Quintum harenosum nominant, quod ex harena quodammodo concreuerit. Sūt autem

autem alia complura genera in fodinis ærarijs potissimum inuenta, quæ hoc loco uobis indicare non possum. Reperiuntur uerò omnia ista tam in pendente quàm iacente uenæ, atque nonnulla etiam in uena ipsa. Sed quoniam adueesperascit, nunc domum redibimus. NAE. Puer tu hæc quæ tibi modo seruanda dedi, ne perdas, etiam atq; etiam uide. Nam diligentius domi mihi per ocium considerata erunt. Sic olim in Italia sæpe mecum herbas, sæpe pisces domum ferebam. Quemadmodum enim in hac ualle Bermanus diligentissime metallica obseruat, ita Patauij Dominicus Zeno herbas: Venetijs Franciscus Massarius, pisces. AN. Cuperem etiam officinas in quibus metalla excoquuntur inspicere. NAE. Et ego. Siquidem in his recrementum argenti, Lithargyrum, molibdenam alteram & pleraq; alia nobis cernere liceret. Et si cras abire omnino constitui, tamen si Bermanus nobiscum ad eas ire uoluerit, manendum mihi puto. AN. In hoc quoque morem nobis geras Bermanne, si sine tuo incommodo detrimentòq; fieri potest. BER. Nihil est quod uestri caussa non faciam. Descendamus cras, mane uerò surgendum nobis est, nam circa Gallicinium excoctores in opere esse solent. NAE. Satis mane surgemus, imò si opus erit totam noctem uigilabimus. BER. Puerum mita-
tam, qui uos cum tempus erit accersat. Si Agricola non abesset, nihil ipsi potius fuisset, quàm ut nobiscum iret ad officinas, quas sæpe inuisere solet. NAE. Incommodè accidit illum nunc abesse. Sed quia for-

tuna cum nobis inuidit, tu eius uicem suppleas. BER.
Res ipsas iam inde à puero mihi cognitās uobis osten-
dam, nam & pater meus metallicus fuit, & dux
cum Saxoniae decumanus. Nomina autem si
ego non possum, uos ut apta & latis
na ipsis imponatis rogo. Iam ue-
rò ualete. NAB. Et tu
Bermanne mulo

tum uas
le.



RERV M

RERVM METAL-
LICARVM APPEL-
LATIONES IUXTA
uernaculam Germa-
norum lin-
guam.

A Es purum	Gedigen Kupffer.
Aluens	Trogk.
Argentum quod statim est suum. quod sine opificio fornacum suum est. quod purum in Venis reperi- tur. quod sine excoctione tale est. quod tale ortu generatum est	Gedigen Silber.
Argentum rude	Silber ertz.
Argentum rude rubrum	Rodt gülden ertz.
Argentū rude plumbei coloris	Glaß ertz.
Argentum rude nigrum	Schwartz ertz.
Argentum rude purpureum	Brayn ertz.
Argentum rude Cineraceum	Graw ertz.
Argentum de sua mole aliquid deperdit, dum exco- quitur	Dem ertz gehet eta- was ab im schmelzē.
Argentum uiuum sui colo- ris uel purum	Gedigen queck Silber.
Argilla	Than.
Auripigmentum	Auripigment.
Anthrax, siue Vena minij	Queck Silber ertz.

F 5

AURA

<i>Aura pestilens</i>	Schwaden.
<i>Bisemutum siue Plumbum cinereum</i>	Wismut.
<i>Cadmia fossilis metallica</i>	Cobald.
<i>Ceruleum, κῦανον</i>	Lasur.
<i>Canales uenarum</i>	Genge.
<i>Caput fodinarum</i>	Fundtgrube
<i>Carbones fossiles λιθάνθρακες</i>	Stein kolen.
<i>Casa</i>	Kaw
<i>Carrus</i>	Karren.
<i>Carris quod extractum est euehere</i>	Mit den Karren lauffen vnd drecten.
<i>Chrysocola</i>	Bergtgrün, Schiffer- grün.
<i>Cuniculus</i>	Stoln.
<i>Cuniculum in montem agere</i>	ein Stoln treiben
<i>Dæmon metallicus</i>	Das berckmenlin.
<i>Declive montis</i>	Das geheng des ge- birgs.
<i>Demensum</i>	Maß
<i>Duumuiri iurati</i>	zwen geschworne die ein gebirg befahren.
<i>Excoquere</i>	Schmelzen.
<i>Ferrum purum</i>	Gedigen eisen.
<i>Fibræ</i>	Klüffte.

Fibra

Fibra transuersa	ein treutzflufft.
Fibra obliqua	ein quertlufft.
Fibra q̄ se uenis paulatim iūgit	ein schörtlufft.
Fibra quæ uenis incumbit	ein hengtlufft.
Fluores	Flüsse.
Fodina	Grube oder zech.
Fodinam colere	ein Zech bawen.
Descendere in fodinam	Einfaren.
Fodinam, quantumuis argento diuitem, propter dæmonem metallicū relinquere	Ein zech des bergtmenlins halben ligen lassen.
Fossa	Schurff.
Fossam agere	Schurffen
Galena siue molybdæna. plūbago	Glantz vnd bleyertz auch bleischweiff.
Gypsum	Gips.
Iacens	Das ligende
Iurati	Die geschwornen.
Lapis specularis	Vnser lieben frawen eifs
Lapilli nigri	Zwitter.
Ligo	Keilham.
Lithargyrum	Glett.
Machina seu instrumentum tractorium	Haspel.
Magister metallicorum	Bergtmeister.
Malleus	Bergthammer oder feustel.
	Medulla

Medulla saxi	Steinmargt
Metallum	Bergtwergt vnd me- tall.
Metallum gigni	Ertz wachsen.
Metallum inuenire, reperire	Ertz treffen.
Fodere	
Metallum Effodere	Ertz bawen
Eruere	
Metallum aliquod perfectum in suis Venis reperire	Gedigen ertz treffen
Metallum aliquod sub summo cespite inuenire,	Ertz am tag treffen.
Torrere	Rösten
Tundere	Puchen
Metallum Molere	Malen
Lauare	Waschen
Vrere	Brönnen.
Metallici	Bergtleut.
Metallici hi aura pestilenti perierunt	Diese hat der schwaden getödtet.
Metallici hi ruinis interierunt	Diese hat der berg erschlagen.
Metallicæ rei operam dare	Bergtwergt bawen.
Metallicæ rei gnarus.	Metallicæ rei intelligentia
præstans	ein verständigiger bergtmā.
Mica	Glimmer oder katzen silber.
Minium natium	Bergtginober
Minium falsicium	Mennig
Modulus	Kobel

Ochra

Ochra nativa siue Sil	Berggeel oder Och rageel.
Ochra ficticia	Bleigeel.
Officinae metallice, vel in quibus metalla excoquun- tur	Hütten
Orga	Lachter.
Partes	Kuches oder teil.
Pendens	Das hangende.
Plumbum Candidum	Zinn.
Plumbum nigrum	Bley
Plumbum Cinereum	Wismuth.
Præses fodinae	Steiger oder hüttmā.
Præfectus rationibus	Schichtmeister.
Puteus siue specus	Schacht.
Puteum aliquem inchoare	ein Schacht ansetzen.
Puteum fodere, effodere	ein Schacht sincken.
Puteum veterem instaurare	ein alte pingewel- digen.
Puteus hic multū aquae habet	Diese zeche ist wasser nötigk.
Puteus hic in maxima altitudine aridus est	Diese zech hat in grosser teuffe nicht wasser.
Pyramis ædificiū sup puteū extructum	Ein töppel.
Pyrites	Kifs
Pyrites colore argenteo	Wasser kifs oder weis- ser kifs.
Pyrites colore aureo	Geel kifs oder kupf- fer kifs.
Pyrites prorsus aurei coloris	Ein kifs der gantz ein farb hat wie gold.
	Pyrites

Pyrites colore galenæ similis	Ein glantziger tifs.
Pyrites cineraceus	Ein grawer tifs.
Recrementa metallorum	Schlacken.
Rubrica fabrilis natua	Bergtröttel
Rubrica fabrilis facticia	Röttel.
Sandaraca uera	Reuschgeel oder rosa- geel.
Sandaraca fossilis	Bergtrodt.
Sandaraca adulterina apud Plinium, & Vitruuium.	
Sandyx apud Dioscoridē	Rodte zur schmincte.
Saxum fissile	Schiffer.
Saxum cornetum siue silex	Hornstein.
Saxum harenosum	Sandstein.
Spatum	Spath.
Specus	Schacht.
Stannum	Wergt
Stibi	Spießglas.
Structuræ subterraneæ	Bergt gebewde.
Symbolum	Zubusz.
Symbolum dare	Zubusz geben.
Terminus	Lochstein.
Terræ lutosæ, q̃ fragiles sunt	Letten.
Tumulus è fodina egestus	Halde
Vena, lapis, terra	Gang.
Vena diues argēti. argēti ferax	Ein reicher gang.
Venas scrutari & perquirere	Geng aufrichten.
Venæ extensio	Das streichē des gāgs
Venæ caput	Dz ausgehē des gāgs.
Venarum fibræ	Klüffte.

Venarum

Venarum canales Genge.
Vena quæ aliam uenam per transversum secat, uel al
 teri uenæ trāsversa incurrit Ein quergang.
Venulæ idem quod fibræ Klüffte,
Virgula diuina Ruthe
Virgula diuina uenas quærere & perquirere
 Mit der ruthen gehen.

F I N I S.







